

資治通鑑補

資治通鑑補卷第二百五十

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

唐紀六十六

起咸通元年
至乾寧八年

懿宗昭聖恭惠孝皇帝上

諱漼宣宗長子也初諱溫嗣位
更名在位十四年改元一

大中十四年春正月乙卯浙東軍與裘甫戰於桐柏觀前桐柏

台州唐興縣天台台山宋改唐興縣
爲天台縣桐柏觀賜額崇道觀范居植死劉勣偉以身免乙丑

甫帥其徒千餘人陷剡縣歸府庫募壯士眾至數千人越州大恐

時二浙久安人不習戰甲兵朽鈍見卒不滿三百鄭祗德更募新

卒以益之軍吏受賂率皆得孱弱者祗德遣子將沈君縱副將張

資治通鑑補卷第二百五十唐紀六十六

公署望海鎮將李珪

子將小將也望海鎮在明州界今定海縣即其地元和十四年浙東觀察使留或奏望海

鎮去明州七十餘里海與新羅日本諸蕃接界

將新卒五百擊裘甫二月辛卯與甫

戰於剡西賊設伏於三溪之南而陳於三溪之北

三溪在今嵊縣西南一溪自新

昌縣東來一溪自嶺下山南來與新昌溪會於

壅溪上流使可涉

既戰陽敗走官軍追之半涉決壅水大至官軍大敗三將皆死官

軍幾盡於是山海諸盜及它道無賴亡命之徒四面雲集眾至三

萬分爲三十二隊其小帥有謀略者推劉旺

旺音

勇力推劉慶劉

從開率盜皆遙通臂幣求屬麾下甫自稱天下都知兵馬使改元

曰羅平鑄印曰天平大聚資糧購良工治器械聲震中原 丙申

葬聖武獻文孝皇帝于貞陵

貞陵在京兆雲陽縣西北四十里

廟號宣宗 丙午

白敏中入朝墜陛傷要肩輿以歸

義成節度使李福奏潁州去

夏大雨平地水深一丈山稼廬舍漂沒殆盡乞蠲租賦從之鄭

祇德累表告急且求救於鄰道浙西遣牙將凌茂貞將四百人宣

歛遣牙將白琮將三百人赴之祇德始令屯郭門及東小江蘇州有東

小江西小江東小江出刻溪至曹娥百官渡而東入海西小江出諸暨至錢清渡而東入於海皆曰小江者以浙江爲大江也

復召還府中以自衛祇德餽之比度支前餽多十三倍而宣潤將

士猶以爲不足宣潤將士請土軍爲導以與賊戰諸將或稱病或

陽瞞馬其同行者必先邀職級竟不果遣賊遊騎至平水東小江

越州會稽縣東南有平水鎮又東踰山鄒小江也北又一小江源出大木山南流合於剡江故係平水東以別東小江城中

士民儲舟裹糧夜坐待旦各謀逃潰朝廷知祇德懦怯議選武將

代之夏戾孜曰浙東山海幽阻可以計取難以力攻西班牙中無可

語者前安南都護王式雅儒家子在安南威服華夷名聞遠近可

任也諸相皆以為然遂以式為浙東觀察使徵祗德為賓客三月辛亥朔式入對上問以討賊方略對曰但得兵賊必可破有宦官侍側曰發兵所費甚大式曰臣為國家惜費則不然兵多賊速破其費省矣若兵少不能勝賊延引歲月賊勢益張則江淮羣盜將蠭起應之國家用度盡仰江淮若阻絕不通則上自九廟下及十軍肅宗以後羽林龍武神武神威神策皆分左右號北門十軍元和二年省神武軍明年又省神威軍以其兵騎分隸左右神策而猶存十軍之名皆無以供給其費豈可勝計哉上顧宦官曰當與之兵乃詔發忠武義成淮南等諸道兵授之裴甫分兵掠衢婺州婺州押牙房鄧散將樓曾散將者牙將之散員也衢州十將方景深將兵拒險賊不得入又分兵掠明州明州之民相與謀曰賊若入城妻子皆為菹醢況貨財能休之乎乃自相帥出財募勇士治器械樹柵浚溝

斷橋爲固守之備賊又遣兵掠台州破唐興

吳分章安之西界置始平縣晉改爲始豐

縣宋唐店武德初分臨海置唐興縣宋改曰天台九里志在台州西一百一十里

己巳甫自將萬餘入掠

上虞焚之

上虞漢古縣唐屬越州九城志在州東一百一十里

癸酉入餘姚殺丞尉

餘姚漢古縣唐

屬越州九域志在州東一百四十七里宋白曰餘姚舊縣在餘姚山西風土記云舜支庶所封舜姓姚故曰餘姚

東破慈

溪入奉化抵甯海殺其令而據之

開元二十六年分明州之鄞縣置慈溪縣在州西三十七里又

分鄞縣置奉化縣在州南八十里武德四年分臨海縣置甯海縣屬台州九域志在州東北一百七十里

分兵圍象山

所過俘其少壯餘老弱者蹂踐殺之及王式除讐下浙東人心稍

安裘甫方與其徒飲酒聞之不樂劉睦歎曰有如此之眾而策畫

未定良可惜也今朝廷遣王中丞將兵來聞其人智勇無敵不四

十日必至兵馬使宜急引兵取越州憑城郭據府庫遣兵五千守

西陵循浙江築壘以拒之

西陵渡在越州西一百二十二里今西興渡是也吳越王錢鏐惡西陵之名改

日西 大集舟艦得閒則長驅進取浙西過大江掠揚州貨財以自
實還修石頭城而守之宣歙江西必有響應者遣劉從簡以萬人
循海而南襲取福建如此則國家貢賦之地盡入於我矣但恐子
孫不能守耳終吾身保無憂也甫曰醉矣明日議之唯以甫不用
其言怒陽醉而出有進士王輅在賊中賊客之輅說甫曰如劉副
使之謀乃孫權所爲也彼乘天下大亂故能據有江東今中國無
事此功未易成也不如擁眾據險自守陸耕海漁急則逃入海島
此萬全策也甫畏式猶豫未決夏四月式行至柿口義成軍不整
式欲斬其將久乃釋之自是軍所過若無人至西陵裘甫遣使請
降式曰是必無降心直欲窺吾所爲且欲使吾驕怠耳乃謂使者
曰甫面縛以來當免而死乙未式入越州旣交政爲鄭祗德置酒

曰式主軍政不可以飲監軍但與眾賓盡醉迨夜繼以燭曰式在此賊安能妨人樂飲丙申餞祇德於遠郊復樂飲而歸於是始修軍令告饋餉不足者息矣稱疾臥家者起矣先求遷職者默矣賊別帥洪師簡許會能帥所部降式曰汝降是也當立效以自異使帥其徒爲前鋒與賊戰有功乃奏以官先是賊謀入越州軍吏匿而飲食之文武將吏往往潛與賊通求城破之日免死及全妻子或詐引賊將來降實窺虛實城中密謀屏語賊皆知之式陰察知悉捕索斬之刑將吏尤橫猾者嚴門禁無驗者不得出入警夜周密賊始不知我所爲矣式命諸縣開倉廩以賑貧乏或曰賊未滅軍食方急不可散也式曰非汝所知官軍少騎卒式曰吐蕃回鶻比配江淮者其人習險阻便鞍馬可用也舉籍府中得驍健者百

餘人凡吐蕃回鶻之配隸浙東虜人羈旅所部遇之無狀困餒甚

式既犒飲又賜其父母妻子皆泣拜謹呼願效死悉以爲騎卒使

騎將石宗本將之凡在管内者皆視此籍之又奏得龍陂監馬二

百匹龍陂漢潁川郡縣之摩陂也唐在汝州界置馬監宋於是騎

兵足矣或請爲烽燧以誦賊遠近眾寡式笑而不應選懦卒使乘

健馬少與之兵以爲候騎眾怪之不敢問於是聞諸營見卒及土

團子弟得四千人使導軍分路討賊府下無守兵更繕土團千人

以補之乃命宣徽將白琮浙西將凌茂貞帥本軍北來將韓宗政

等帥土團合千人石宗本帥騎兵爲前鋒自上虞趨奉化解衆山

之圖號東路軍又以義成將白宗建忠武將游君楚淮南將萬璘

帥本軍與台州唐興軍合號南路軍令之曰毋爭險易毋焚廬舍

毋殺平民以增首級平民脅從者募降之得賊金帛官無所問俘

獲者皆越人也釋之癸卯南路軍拔賊沃洲寨

沃洲在今越州新昌縣東南

甲

辰拔新昌寨

新昌時屬剡縣界今置新昌在越州東南二百二十里

破賊將毛應天進拔唐

興

白敏中三表辭位上不許右補闕王譜上疏以爲陛下致理

之初乃宰相盡心之日不可暫闕敏中自正月臥疾今四月矣陛

下雖與它相坐語未嘗三刻天下之事陛下嘗暇與之講論乎願

聽敏中罷去延訪碩德以資聰明己酉貶譜爲陽翟令譜珪之六

世孫也五月庚戌朔給事中鄭公輿封還貶譜敕書上令宰相議

之宰相以爲譜侵敏中竟貶之辛亥浙東東路軍破賊將孫馬

騎於甯海戊午南路軍大破賊將劉晔毛應天於唐興南谷斬應

天先是王式以前所發忠武義成軍其數尙少更請益發兩鎮兵

及昭義軍詔從之三道兵至越州武命忠武將張茵將三百人屯

唐興斷賊南出之道義成將高羅銳將三百人益以台州土軍徑

趨甯海攻賊巢穴昭義將跌跌戮將四百人益東路軍斷賊入明

州之道庚申南路軍大破賊於海遊鎮海遊鎮在甯海東南九十里賊入甯溪洞

甯溪洞在甯海西南百餘里屬唐興縣界又西則橫溪產鐵戊辰官軍屯於洞口賊出洞戰又

破之己巳高羅銳襲賊別帥劉平天寨破之自是諸軍與賊十九

戰賊連敗劉唯謂裴甫曰雖從吾謀入越州甯有此困耶王輅等

進士數人在賊中皆衣綠唯悉斬之曰亂吾謀者此青蠅也高羅

銳克甯海收其逃散之民得七千餘人王式曰賊窘且飢必逃入

海入海則歲月閒未可擒也命羅銳軍海口以拒之海口在甯海東北四十餘里

又命望海鎮將雲思益浙西將王克容將水軍巡海滋水際思益

益等遇賊將劉從簡於甯海東賊不虞水軍遽至皆棄船走山谷

得其船十七盡焚之式曰賊無所逃矣惟黃罕嶺可入剡黃罕嶺在奉化

縣西北剡縣之東其路深險度黃罕嶺則平川四十里至剡恨無兵以守之雖然亦成擒矣裴

甫既失甯海乃帥其徒屯南陳館下南陳館在甯海西南六十餘里眾尚萬餘人

辛未東路軍破賊將孫馬騎於上膠村上膠村在甯海西北四十餘里今謂之上寮山賊

將王阜懼請降 壬申右拾遺內供奉薛調上言以爲兵興以來

賦斂無度所在羣盜半是逃戶固須漸減亦可閔傷望敕州縣稅

外無得科率仍敕長吏嚴加糾察從之 袁王紳薨紳順宗子京師

地震 戊寅浙東東路軍大破裴甫於南陳館斬首數千級賊委

棄輜帛盈路以緩追者蹙跌戮令士卒敢顧者斬毋敢犯者賊果

自黃罕嶺遁去六月甲申復入剡諸軍失甫不知所在義成將張

苗在唐興獲俘將苦之俘曰賊入剡矣苟捨我我請爲軍導從之

苗後甫一日至剡壁其東南府中聞甫入剡復大恐王式曰賊來

就擒耳命趣東南兩路軍會於剡辛卯圍之賊城守甚堅攻之不

能拔諸將議絕溪水以渴之剡城東南臨溪西北負山城中多鑿井以引山泉非絕溪水所能渴作史

者乃北人臆說耳今浙東諸縣皆無城獨剡縣有城猶爲完壯賊知之乃出戰三日凡八十三戰

賊雖敗官軍亦疲賊請降諸將以白式式曰賊欲少休耳益謹備

之功埜成矣賊果復出又三戰庚子夜裘甫剡剡慶從百餘人

出降遙與諸將語離城數十步官軍疾趨斷其後遂擒之王寅甫

等至越州式要斬晁慶等二十餘人械甫送京師考異曰平剡錄曰諸軍圍賊於

剡賊悍甚其所謂女軍者亦乘城擲礮以中人三日凡八十三戰

賊雖敗官軍亦疲裘甫言乞降諸將使騎來自公曰賊愈懸休

耳謹備之仍遣押牙韓敬毅謂諸將曰功成矣勉之勿怠也果復

三戰二十一日夜甫與剡剡慶十餘輩又從百餘人出遙與諸

將詰伺我軍之解將使勇者潰圍馬諸將得公誠夜皆設伏於營
前甫輩離城數十步伏兵疾走以開之銳師數百衝之城中賊
不出甫遂甚不知所爲遂成擒焉至是用兵六十六日矣二十三
日縛至府城公於衙門陳兵以見執其徒劉咄咄慶二十餘輩三
斬之械盡甫獻闕下玉泉子見聞錄曰王式討費甫甫始起於剡
既爲官軍所敗復入於剡城堅卒說不可遽拔式乃約降許素以
金吾將軍甫許焉其將劉咄咄獨以爲不可比及越城左右則械手
以木曳頭以紉甫曰吾既已降何用是爲左右曰法也到越則釋
去公且行有命矣既至式登南樓俟之曰裘甫何罪罪皆劉咄咄
命三斬之咄咄謂甫曰君竟拜金吾乎斬甫于長安東市初甫之
入剡也雖已屢敗向使城守期歲未可平也玉泉子曰古人有言
殺降不祥李廣所以不戾良有以也王公亦不聞大貴鄭公達平
剡錄一何曲華哉雖驟歷清顯而卒以喪明不復起可不慎哉案
二書所言莫知孰是然裘甫在剡城窮困已極勢不能久式不必
更以詐誘之或者諸將爲之不可知也甫之出降也或欲突走或
被誘而來皆不可知要之爲出城乞降官軍因邀斬其後擒之耳
剡城猶未下諸將已擒甫不復設備劉從簡帥壯士五百突圍走
諸將追至大蘭山

今明州奉化縣西北有大蘭山山在越州分界從簡據險自守秋七月

丁巳諸將共攻克之台州刺史李師望募賊相捕斬之以自贖所

降數百人得從簡首獻之諸將還越式大置酒諸將乃請曰某等生長軍中久更行陳今年得從公破賊然私有所不諒者敢問公之始至軍食方急而遽散以賑貧乏何也式曰此易知耳賊聚穀以誘飢人吾給之食則彼不爲盜矣且諸縣無守兵賊至則倉穀適足資之耳又問不置烽燧何也式曰烽燧所以趣救兵也今兵盡行城中無兵以繼之徒驚士民使自潰亂耳又問使懦卒爲候騎而少給兵何也式曰彼勇卒操利兵遇敵且不量力而鬪鬪死則賊至不知矣皆曰非所及也 封憲宗子恆爲信王 八月裴甫至京師斬于東市加王式檢校右散騎常侍諸將官賞各有差先是上每以越盜爲憂夏侯孜曰王式才有餘不日告捷矣孜與式書曰公專以執裴甫爲事軍須細大此期悉力

軍須謂行軍所須糧仗衣物悉

力竭盡力
應辦也

故式所奏求無不從由是能成其功

衛王灌

灌上弟也

九月白敏中五上表辭位不聽辛亥以敏中為司徒中書令

右拾遺句容劉鄴上言李德裕父子為相有聲迹功效竄逐以來
血屬將歸生涯已空宜賜哀閔贈以一官冬十月丁亥敕復李德

裕太子少保衛國公贈左僕射

考異曰裴旦李太尉南行錄載咸通二年九月二十六日右拾遺內

供奉劉鄴表略云子雖貶立山尉去年獲遇陛下惟新之命原作解之恩移授郿縣尉今已沒于貶所又曰血屬已就生涯悉空又曰枯骨未歸于壟域一男又殞于江湖又曰其李德裕請特賜贈官敕依奏實錄注引東觀奏記云令狐綯夢德裕曰某已謝明時宰相公哀之許歸葬故里綯具為其了高言之高曰李衛公犯眾怒又崔相鉉魏相齊皆敵人也見持政必將上前異同未可言也後數日上將坐延英綯又移德裕曰某委骨海上思還故里與相公有舊幸閱而許之既帝復謂高曰向見衛公精爽尚可畏吾不言必授禍明日入中書且為同列書之既而于帝前論奏許其子蒙州立山尉雖護喪歸葬又是時柳仲郢鎮東蜀設發于湖南命從事李商隱為文曰奉承新恩還舊址又云身留蜀郡路隔伊川鄭奏乃云孤骨未歸壟城雖懿宗初纔徙郿縣尉未詳或者後

人爲作之非郭本奏也實錄注又云白敏中爲中書令時與右庶
字段全緯書云故衛公太尉樊與鵬鳥怨結紅魚親交兩散于西
園子弟遂戮于南土嘗蒙一顧驛履三台保持獲靈于天年論請
爰加于寵贈全緯爲德裕西川從事故敏中語及云案此似絲
敏中開發而數本追復贈官多連郭於德裕素有恩于敏中敏中
前作相既遠貶之至此又原其美鄙哉案劉鄩表云去年獲遇陛下
下惟新之命單作解之恩則上此表在咸通元年非二年也舊傳
鄩爲翰林學士承旨以李德裕貶死朱崖大中朝令編當權累
有赦宥不蒙恩列錢宗即位綱在方鎮屬鄩天大赦鄩奏論之李
太尉南行錄鄩此時未爲翰林學士則上此表收批便令內養宣
喚入翰林充學士餘張奏金華子雜編曰宣宗嘗私行經延資軍
見廣順連綿錢帛川積尚左右曰誰爲此中侍臣對曰宰相李德
裕執政日以天下每歲需用之數目是以來慶庭有急支用無乏
者茲實有賴上曰今何在曰前以坐吳湘獄貶于崖州上曰如有
此功于國微罪豈合深譴由是劉公鄩得以進表乞追雪之上
覽詳許其加贈歸葬馬案宣宗素惡德裕故始即位即逐之豈有
不知其在崖州而云豈合深譴又劉鄩
追雪在懿宗時此說殊爲淺陋今不取

己亥以門下侍郎同平
章事夏候孜同平章事充西川節度使以戶部尚書判度支畢誠
爲禮部尚書同平章事孜未遇時忌塞名場伶僇風塵之內所跨

遷驢無故墜井死或登朝士之門或寄逆旅之舍常多齟齬時人
號爲不利市秀才有僕李敬者隨孜已久備嘗寒苦或誘之曰當
今北面官人入則內貴出則使臣每到所在打風打雨爾何不從
之而戀戀一窮措大有何益哉縱其不然且從堂頭官人作生計
亦得豐衣足食以了一生也時號堂吏爲堂頭官人故云敬聞之
輒然曰我使頭是飽學秀才一日及第我還擬作西川留後子奈
何云然眾莫不揶揄而掩口時孜於壁後竊聽一一聞其言未幾
孜竟登第涉歷內外遂登台位至是以宰相出鎮西川臨行以邸
吏託者甚眾孜一無所許至鎮卽以敬知進奏王事鞅掌莫不榮
之 安南都護李鄠復取播州 播州屬黔中道大中十三年爲雲
南所陷此非安南巡屬也李鄠越
境收復欲以爲功而不知
嬰兵乘虛已陷安南也 閏月乙亥上朝獻太清宮十一月丙

子朔享太廟丁丑祀圜丘赦天下改元咸通 五月慶王沂莒

十二月戊申安南土蠻引南詔兵合三萬餘人乘虛攻交趾陷之

考異曰新南詔傳大中時李琢爲安南經略使苛暴自私以斗鹽易一牛夷人不堪結南詔將段酋遷陷安南都護府號白衣殺命軍懿宗絕其朝貢乃陷播州安南都護李鄠屯武州咸通元年爲蠻所攻棄州走天子斥鄠以王寬代之按宣宗時南詔未嘗陷安南據新傳則大中時已陷安南咸通元年又陷武州也且李鄠安南失守然後奔武州非在武州而棄之新傳誤也今從實錄

都護李鄠與監軍奔武州

新志邕管所領又有潯州武州沈州後皆廢省據此則武州當在宜州界

咸通二年春正月詔發邕管及鄰道兵救安南蠻南蠻 二月

以中書令白敏中兼中書令充鳳翔節度使以左僕射判度支杜

悰兼門下侍郎同平章事一日兩樞密使詣中書宣徽使楊公慶

繼至獨揖琮受宣

受宣受宣命也

三相起避之西軒

三相畢誠杜審權蔣仲也

公慶出

斜封文書以授悰發之乃宣宗大漸時宦官請鄠王監國奏也且

曰當時宰相無名者當以反法處之悰反獲請良久曰聖主登極萬方欣戴今日此文書非臣下所宜窺復封以授公慶曰主上欲罪宰相當於延英而示聖旨明行誅譴公慶去悰復與兩樞密坐謂曰內外之臣事猶一體宰相樞密其參國政今主上新踐阼未熟萬機資內外裨補固當以仁愛爲先刑殺爲後豈得遽贊成殺宰相事若主上習以性成則中尉樞密權重禁閑豈得不自憂乎悰受恩六朝所望致君堯舜不欲朝廷以愛憎行法兩樞密相顯默然徐曰當具以公言白至尊非公重德無人及此慙悚而退三相復來見悰微請宣意悰無言三相惶怖乞存家族悰曰勿爲他慮既而寂然無復宣命及延英開上色甚悅

意此亦是據杜悰家傳書之其詞旨抑揚

容有過其實者洪邁隨筆曰案懿宗卽位之日宰相四人曰令狐綯曰蕭瑄曰夏竦曰蔣伸至是惟有伸在三人者罷去矣諫及

齊體乃懿宗自用者無有斯事蓋野史之妄溫公以唐事屬之范
祖禹其審取可謂詳盡倘如此信乎修史之難哉考異曰新傳云
宣宗大漸樞密使王歸長等矯詔迎鄆王立之懿宗卽位徵罪大
臣棕解之案立鄆王者王宗實新傳云歸長誤也今從補國史

是時士大夫深疾宦官事有小相涉則眾共棄之建州進士葉京
嘗預宣武軍宴識監軍之面既而及第在長安與同年出遊遇之
於塗馬上相揖因之謗議誼然遂沈廢終身其不相悅如此 福

王綰薨

綰順宗子

夏六月癸丑以鹽州防禦使王寬爲安南經略使

時李鄠自武州收集土寇攻羣蠻復取安南朝廷責其失守貶儋
州司戶鄠初至安南殺蠻酋杜守澄其宗黨遂誘道羣蠻陷交趾
朝廷以杜氏疆盛務在姑息冀收其力用乃贈守澄父存誠金吾
將軍再舉鄠殺守澄之罪長流崖州

劉餗曰唐武德四年以隋末崖郡爲崖州自雷州徐聞縣

南舟行四百三十里度大海達崖州宋曰曰宋開寶六年割舊崖州之地屬瓊州卻改振州爲崖州考異曰實錄又賜寬手詔云云

如聞李承在安南日殺害杜存誠李郭又處置其子守澄使誘導
蠻蠻沒陷城邑卿到後日於李郭處索取前後教詔一一參詳利
李承在鎮蠻首領愛州刺史兼土軍兵馬使杜存誠密誘溪洞夷
獠爲之鄉導誘察其不忠戮死焉及李郭至鎮蠻陷安南郭走武
州召土軍收復城邑而存誠家兵甚眾朝廷務姑息乃贈存誠金
吾將軍郭以失衛貶唐州補國史撰陷安南李郭投武州召土軍
收復頗有功績殺首領杜存誠以捍禦整恒不戮力盡敵兼誘溪
洞獠夷爲鄉導之罪也郭貶唐州後以存誠溪洞蠻家兵衆多
子弟繼總軍旅皆輸忠勇軍府倚賴方其朝廷亦加姑息乃再舉
憲章長流郭崖州贈存誠金吾將軍以誘其竭力命前鹽州刺史
王山爲都護案郭所殺存誠之子守澄已爲王式所逐郭至旬日
殺之非因扞禦不戮力也代郭者乃王寬非王宙補國史誤也令
獨取郭克復安南一事餘皆從平刻錄實錄按唐朝若以杜守
澄之戮爲李郭罪則當贈守澄官不當贈其父官此余所以致疑
於前也

秋七月南詔攻邕州陷之先是廣桂容三道共發兵三千
人戍邕州三年一代經略使段文楚請以三道衣糧自募土軍以
代之朝廷許之所募纔得五百許人文楚入爲金吾將軍經略使
李蒙利其關額衣糧以自入悉能遣三道戍卒止以所募兵戍守

左右江比舊什減七八故蠻人乘虛入寇時蒙已卒經略使李宏

源至鎮纔十日無兵以禦之城陷宏源與監軍脫身奔巂州

宋白曰

州古南越城晉置晉興郡隋廢郡爲宣化縣唐武德四年于此置南晉州貞觀六年改邕州至長安五千六百里梧州秦桂林郡地唐置梧州後改巂州至京師五千三百里西至邕州三百里二十餘日蠻去乃還宏源坐貶建

州司戶文楚時爲殿中監復以爲邕管經略使至鎮城邑居人什

不存一文楚秀實之孫也杜棕上言南詔向化七十年蜀中寢

兵無事羣蠻率服今西川兵食單寡未可輕與之絕且應遣使弔

祭曉諭清平官等以新王名犯廟諱故未行冊命特其更名謝恩

然後遣使冊命庶全大體上從之命左司郎中孟穆爲弔祭使未

發會南詔寇樹州攻邛崃關穆遂不行

考異曰實錄在此年十二月案補遺史杜邠公再入

補遺史遣使弔祭令其改名魏命使臣已破越巂城池攻邛崃關使臣逗遛數月不發然則命穆充使當在寇樹州前實錄書于

十二月誤也案南詔已稱帝昭安南豈可漸建崇世
欲姑息敵陽不知其情就及以昭安南者爲土蠻耳 冬十月以

御史大夫鄭涯爲山南東道節度使十一月加同平章事

至咸通三年春正月庚寅朔羣臣上尊號曰睿文明聖孝德皇帝
赦天下 以中書侍郎同平章事蔣仲同平章事充河中節度使

二月棟王惲薨 南詔復寇安南經略使王寬數來告急朝廷

以前湖南觀察使蔡襲代之仍發許滑徐汴荆襄潭鄂等道兵合

三萬人授襲以禦之兵勢既盛蠻遂引去 考異曰實錄咸通三年

略招討處直等使三月以蔡京充荆襄以南宣慰安撫使五月以
京爲嶺南西道節度使舊紀三年十一月遣蔡襲帥禁軍三千赴
援安南案補國史云咸通三年使左庶子蔡京制置嶺南事又云
命杜管都防禦使蔡襲代王由然則襲除安南似在咸通二年也
又案樊綽發書云臣咸通三年三月四日奉本使尙書蔡襲手示
密委臣深入賊帥朱道古營寨三月八日入賊重圍之中臣卻回
一一白于都護王寬領得臣舊牒全無指揮擅放軍回苟求勦獎
致襲枉傷矢石陷失城他徵之其由莫非蔡京于寬之過綽既謂

襲爲本使爲之入繼則是襲已到官又云回白都護王寬則是寬
猶未去任也不知韓不自襲而白寬何故也又襲將兵代寬寬爲
已替之人安能擅放軍回令襲陷沒疑襲書遣放軍回字
上少蔡京二字襲除安南不知的在何年月今從實錄

略使段文楚坐變更舊制左遷威衛將軍分司
考異曰補國史文楚到後城邑牢落

人戶彫殘得數月朝廷責其更改舊制降授威衛分司蓋文楚
既之官而朝議責邕州陷沒由文楚請罷三道戍兵自募土軍故
云更改舊制而實錄云及文楚再至城池圯廢人戶殘耗由是頗
更舊制未數月朝廷慮致煩擾復改命懷玉爲新舊文楚數更條
約眾不悅以胡懷玉代之蓋因補
國史改更舊制之語相承致誤也 左庶子蔡京性貪虐多詐時

相以爲有吏才奏遣制置嶺南事三月京還奏事稱旨復以京權

知太僕卿充荆襄以南宣慰安撫使
爲蔡京弁敗張本 夏四月己亥朔

敕於兩街四寺各置戒壇度人三七日
兩街四寺謂慈恩薦福西明莊嚴也三七二十一日

上奉佛太過怠於政事嘗於咸泰殿築壇爲內寺尼受戒兩街僧

尼皆入預又於禁中設講席自唱經手錄梵夾
梵夾者貝葉經也以板夾之謂之梵

夾段成式曰貝多葉出摩伽陀西國又數幸諸寺施與無度吏部

侍郎蕭倣上疏以爲元祖之道慈儉爲先素王之風仁義爲首元祖

謂唐祖老子尊爲元元皇帝素王謂孔子也元 聖範百代必不可加佛者棄位出家割愛

中之至難取滅後之殊勝名歸象外理絕塵中人情莫不愛其親莫不愛富貴佛者

棄父母之親捨王子之貴而出家是割愛中之至難又釋氏爲宏闡勝大之言以爲佛滅度後諸天神王供養莊嚴皆人世所希有

後人又奉其法而尊事之是取滅後之殊勝也非帝王所宜慕也願陛下時開延英接對

四輔力求人瘼瘼病也 虔奉宗祧思繆賞與濫刑其殃必至知勝殘

而去殺得福甚多罷去講筵躬勤政事上雖嘉獎竟不能從 嶺

南舊分五管廣桂邕容安南皆隸嶺南節度使蔡京奏請分嶺南

爲兩道節度從之五月敕以廣州爲東道邕州爲西道又割桂管

襲象二州各管藤巖二州隸邕管尋以嶺南節度使韋宙爲東道

節度使以蔡京爲西道節度使蔡襲將諸道兵在安南蔡京忌之恐其立功奏稱南蠻遠遁邊徼無虞武夫邀功妄占戍兵虛費餽運蓋以荒陬路遠難於覆驗故得肆其姦詐請罷戍兵各還本道朝廷從之襲累奏羣蠻伺隙日久不可無備乞畱戍兵五千人不聽襲以變寇必至交趾兵食皆闕謀力兩窮作十必死狀申中書時相信京之言終不之省 秋七月徐州軍亂逐節度使溫璋考異日舊傳璋咸通末爲徐泗節度使徐州牙卒曰銀刀軍頗驍橫璋至誅其凶惡者五百人自是軍中畏法案誅銀刀軍者王式也舊傳初王智興既得徐州募勇悍之士二千人號銀刀彫旗門槍挾馬等七軍常以三百餘人自衛露刃坐於兩廡夾幕之下每月一更其後節度使多儒臣其兵浸驕小不如意一夫大呼其眾皆和之節度使輒自後門逃去前節度使田牟至與之雜坐飲酒把臂

拊背或爲之執板唱歌犒賜之費日以萬計風雨寒暑復加勞來
猶時喧譁邀求不已牟薨璋代之驕兵素聞璋性嚴悍之璋開懷
慰撫而驕兵終懷猜忌賜酒食皆不歷口一旦竟聚譟而逐之朝
廷知璋無辜乙亥以璋爲邠甯節度使以浙東觀察使王式爲武
甯節度使 以前西川節度使同平章事夏侯孜爲左僕射同平
章事 忠武義成兩軍從王式討裴甯者猶在浙東詔式帥以赴
徐州驕兵聞之甚懼八月式至大彭館大彭館在徐州城外始出迎謁式視
事三日餐兩鎮將士遺遺餼既擐甲執兵命圍驕兵盡殺之銀刀
都將邵澤等數千人皆死考異曰舊傳曰式至鎮盡誅銀刀等七
軍徐方平定金華子雜編曰逄璋失律
於徐州自河陽移式往鎮之式領河陽全軍赴任徐州將士聞式
到近境遣衛隊三百人遠接式衣衣坐胡牀受參既畢乃問其逐
帥之罪命皆斬於帳前不留一人既而相次繼來莫知前死者音
耗至則又斬之亦無脫者如是數日銀刀都數千人垂盡虎狼之

眾居常咸謂能吞噬于人及于斯際武衣襖子牛臂曳履危坐遂人皆拱手就戮無一敢旅拒者其後親戚相訐不能自會馬案若賴殺數千人豈有人不知者又式自甲子收以徐州先隸淄青道

浙東除武甯非河陽也今從實錄 李洧自歸始置徐海使額見二百二十七卷及張建封以威名寵

任特帖濠泗二州見二百三十三卷貞元四年當時本以控扼淄青光蔡自寇

壁消弭而武甯一道職為亂階今改為徐州團練使隸兗海節度

復以濠州歸淮南道更於宿州置宿泗都團練觀察使憲宗元和四年析徐

州之符離縣泗州之虹濱宿州治埇橋在徐州南界留將士三千

汴水上當舟車之會宋白曰宿州取古宿國為名 人守徐州餘皆分隸兗宿且以王式為武甯節度使兼徐泗濠宿

制置使委式與監軍楊元質分配將士赴諸道訖然後將忠武義

成兩道兵至汴滑各遣歸本道身詣京師其銀刀等軍逃匿將士

聽一月內自首一切勿問 嶺南西道節度使蔡京為政苛慘設

炮烙之刑園境怨之遂為邕州軍士所逐

嶺南今二節鎮西道治邕州

奔藤州

藤州漢猛陵縣唐置藤州至京師五千六百里

詐為收書及攻討使印募鄉丁及旁側

土軍以攻邕州眾既烏合動輒潰敗往依桂州桂州人怨其分裂

不納

以其制桂管巡屬

京無所自容敕貶崖州司戶不冝之官還

至零陵收賜自盡以桂管觀察使鄭愚為嶺南西道節度使冬

十月丙申朔立皇子份為魏王佖為涼王佶為蜀王十一月立順

宗子緝為漸王憲宗子愾為榮王

南詔帥羅蠻五萬寇安南

考

日補國史云四年春南蠻帥眾五萬攻安南案蠻書咸通三年十

二月二十一日姚花人安南城西南角下營茫蠻于蘇歷江岸也

聚獮形鬚亦當陳面二十七日發賊逼交州

都護蔡襲告急敕發

荆南湖南兩道兵二千桂管義征子弟三千詣邕州

義征子弟因其應募從軍

名受鄭愚節度

嶺南東道節度使韋宙奏蠻寇必向邕州若不

先保護遼欲遠征恐蠻於後乘虛扼絕餉道乃敕蔡襲屯海門考

日實錄詔襲且在海門是令棄交趾退屯海門也案鄭恩分兵備襲死時猶在交趾蓋詔書到時襲已被圍不得通也

禦十二月襲又求益兵敕山南東道發弩手千人赴之時南詔已

圍交趾襲嬰城固守救兵不得至 翼王維釋順宗子是歲

盟末始入貢盟末者吐蕃之奴號也吐蕃每發兵其富室多以奴

從往往一家至十數人由是吐蕃之眾多及論恐熱作亂奴多無

主遂相糾合為部落散在甘肅瓜沙河渭岷廓疊宕之間吐蕃微

弱者反依附之

綏咸通四年春正月戊辰上朝獻太清宮己巳朝享太廟庚午祀

圓丘赦天下 是日南詔陷交趾蔡襲左右皆盡徒步力戰身集

十矢欲趣監軍船船已離岸遂溺海死幕僚樊綽攜其印浮度江

自白州博白縣西南百里下北成灘出馬門江度海抵安南界樊鍾楷印皮處即此荆南江西鄂岳襄州

將士四百餘人走至城東水際荆南感候元惟德等謂賊曰吾輩

無船入水則死不若還向城與蠻鬪人以一身易二蠻亦為有利

遂還向城入東羅門東羅門安南羅城東門也蠻不為備惟德等縱兵殺蠻二

千餘人考異曰實錄二月步南經略使蔡襄奏蠻賊陷思僑羅伏州扶邪蠻令麻光高部領其眾于城西角下營嶺南東道

節度使韋山奏蠻賊去十二月二十七日還安南城池經略使檢校工部尚書蔡襄出兵格圍殺傷相當正月三日賊眾漸城進攻

甚急賊城上以車弩射之至七日城陷襲左胸中弩箭死家口并

元從七千餘人悉隕於賊從事樊鍾楷印渡江其荆南江西鄂岳

襄州兵突到城東水際無船卻回棹率入東羅門殺蠻僅一二千

人至夜賊救兵至途屠其城案此二奏似後人采集蠻書為之其

中又多差舛如楊思儋蠻書中兩處有之皆作楊思儋蓋草書誤

為楷耳彼雖蠻夷豈有名思儋也張彭錦理者舊傳其高駢與雲

南蠻亦云楊思儋善蘭節度新書亦永此誤為楷又蠻書云思

縉光高部領者桃花蠻五六千人耳非謂盡將羣蠻也補國史云

蠻眾五萬攻安南非止五六千人也又十二月二十一日裸形蠻

七日逼賊者但記兇河蠻尋傳蠻之日耳又言正月二日三日者但記以車弩射得苴子之日耳非其日始開城也且城略奔逃之際非樊綽身在其間豈知其詳然四道兵所殺人數猶因循無得說始知之章由身在廣州何得所奏一如樊綽之書其偽明矣新傳曰是夜蠻遂屠城亦因實錄而誤○彭音辭

逮夜蠻將楊思緒始自子城出救之惟德等皆死南詔兩陷交趾所殺虜且十五萬人詔兵二萬使思緒據交趾城谿洞夷獠無遠近皆降之詔諸道兵赴安南者悉召還分保嶺南東西道 上遊宴無節左拾遺劉蛻上疏曰今西涼築城

應接未決於與奪

西涼卽涼州蓋此時謀進築也

南蠻侵軼干戈悉在於道塗旬

月以來不爲無事陛下不形憂閔以示遠近則何以責其死力望

節娛遊以待遠人久安未晚弗聽 二月甲午朔上歷拜十六陵

考異曰拜十六陵非一日可了而舊史無還宮之日唐年補錄云二月庚子一日拜十六陵尤難信也

置天雄軍

於秦州

代宗姑息田承嗣以天雄軍號龍魏博尋以其悖傲削之今復于秦州置天雄軍至于唐末魏博復天雄軍號秦州

不復黃以成河渭三州隸焉以前左金吾將軍王晏寶爲天雄觀
天雄矣

察使 三月歸義節度使張義潮奏自將蕃漢兵七千克復涼州

南蠻寇左右江浸逼邕州鄭愚懼自言儒臣無將略請任武臣

朝廷召義武節度使康承訓詣闕欲使之代愚仍詔選軍校數人

士卒數百人自隨

就義武軍中選之也

中書侍郎同平章事畢誠以同列

多徇私不法稱疾辭位夏四月罷爲兵部尙書 庚戌羣盜入徐

州殺官吏刺史曹慶計平之 康承訓至京師以爲嶺南西道節

度使發荆襄洪鄂四道兵萬人與之俱 五月戊辰以翰林學士

承旨兵部侍郎楊收同平章事收發之弟也與左軍中尉楊元玠

敘同宗相結故得爲相

爲楊收與元玠交惡張本

乙亥廢容管隸嶺南西道

復以龔象二州隸桂管 戊子以門下侍郎同平章事杜審權同

平章事充鎮海節度使審權清重寡言性長厚居翰林最久終不
漏禁近語在方鎮視事有常處非日入未始就內寢坐必斂衽若
對大賓或晝日少息則顧直將解簾卽旁若無人自起徹鉤手解
簾徐下乃退與杜棕俱位將相棕先遷故世謂審權爲小杜公

六月廢安南都護府置行交州於海門鎮以右監門將軍宋戎爲
行交州刺史以康承訓兼領安南及諸軍行營 閏月以門下侍

郎同平章事杜棕同平章事充鳳翔節度使以兵部侍郎判度支
河南曹確同平章事 秋七月辛卯朔日有食之 復置安南都

護府於行交州 考異曰實錄以鄆州爲交州補國史亦同又云真
庚貞孝公請川高駢爲鄆州進討使案地理志集
鄆州補國史又云海門今安州地理志 以宋戎爲經略使發山東
安州乃屬鄆州都督府嶺南亦無之 兵萬人鎮之時諸道兵援安南者屯聚嶺南江西湖南餽運者皆

泝湘江入零渠灘水

鄺遷元曰湘灘同源分爲二水南則灘水北則湘川湘灘之閒陸地廣百餘步謂之始安

嶠漢伐南越出零陵下灘水卽此路也湘水出零陵始安縣陽朔山自零陵西南謂之零渠新書曰桂州有灘水出陽海山世言秦命史廉伐越鑿爲漕馬援討徵側復治以通饒後爲江水潰毀渠遂廢後唐李勣復浚之范成大桂海虞衡志曰湘灘二水皆出靈川之陽南行百里分南北下北下曰湘灘急流又二千里至長沙水始緩南下曰灘名灘三百六十又千二百里至番禺以入海又曰鹽渠在桂之興安縣秦始皇成嶺時史廉鑿此以通之遺蹟湘水源於雲泉之陽海山在此下融江并柯下流本南下廣西興安水行其間地勢最高二水遠不相謀祿始作此渠派湘之流而注之湘使北水南合北舟險嶺其作渠之法於湘流沙壑中鑿石作鐮臂就其前逆分湘流爲兩激之六十里行渠中以入融江與俱南渠繞興安界深不數尺廣丈餘六十里開置斗門三十六土人但謂之斗舟入一斗則復開斗伺水積漸進故能循崖而勞費上建鎮而下千斛之舟亦可往來治水巧妙無如斯渠者

艱澀諸軍乏食潤州人陳礪石上言請造千斛大舟自福建運米

泛海不一月至廣州從之軍食以足然有司以和雇爲名奪商人

舟委其貨於岸側舟入海或遇風濤沒溺有司因繫網吏舟人使

卷一百九十三 宗咸通四年

償其米人頗苦之 八月嶺南東道節度使韋宙復奏蠻寇必向

邕州請分兵屯容藤州 容藤二州相去二百七十里 襲王滋堯 滋上 敕以

閤門使吳德應等為館驛使臺諫上言故事御史巡驛 唐中世置閤門使以

以省為之掌供奉朝會贊引親王宰相百官蕃客朝見辭唐初中

書通事舍人之職也元宗開元中以監察御史兼巡傳驛至二十

五年以兼察御史檢校兩京館驛大歷十 四年兩京以御史一人知館驛如傳驛使不應忽以內人代之上

諭以敕命已行不可復改左拾遺劉蛻上書昔楚子縣陳得申叔

一言而復封之 左傳楚子為陳夏氏亂故伐陳遂入陳殺夏徵舒

其君其罪大矣討而戮之君之義也今縣陳太宗發卒修乾元殿

貪其富也無乃不可乎王曰善哉乃復封陳聞張元素諫即日罷之 見一百九十三自古明君所尚者從諫如

流豈有已行而不改且敕自陛下出之自陛下改之何為不可弗

聽 黠真斯遣其臣合伊難支表求經籍及每年遣使走馬請歷

又欲討回鶻使安西以來悉歸唐不許 冬十月甲戌以長安尉

集賢校理令狐滈爲左拾遺乙亥左拾遺劉蛻上言滈專家無子

弟之法補註專家謂父在而專任家事布衣行公相之權起居郎張雲言滈父綯

用李涿爲安南致南蠻至今爲梗由滈納賄陷父於惡十一月丁

酉雲復上言滈父綯執政之時人號白衣宰相滈亦上表引避乃

改詹事府司直 辛巳廢宿泗觀察使復以徐州爲觀察府以陳

泗隸焉 十二月南詔寇西川 昭義節度使沈詢奴歸秦與詢

侍婢通而欲殺之未果乙酉歸秦結牙將作亂攻府第殺詢

甲戌通五年春正月以京兆尹李蟻爲昭義節度使取歸秦心肝

以祭沈詢 淮南節度使令狐綯爲其子滈訟冤貶張雲興元少

尹劉蛻華陰令敕曰雖嘉蹇諤之忠難逃疏易之責 丙午西川

奏南詔寇備州刺史喻士珍破之獲千餘人詔發右神策兵五千

及諸道兵戍之忠武大將顏慶復請築新安遏我二城從之二城

於備州界以容管經略使張茵兼句當交州事時交州寄治海門益

海門鎮兵滿二萬五千人令茵進取安南二月己巳以刑部尚

書鹽鐵轉運使李福同平章事充西川節度使甲申前西川節

度使蕭鄴左遷山南西道觀察使三月丁酉彗星出於婁長三

尺己亥司天監奏按星經是名含譽瑞星也上大喜益宣示中外

編諸史策康承訓至邕州蠻寇益熾詔發許滑青汴兗鄆宣潤

八道兵以授之承訓不設斥候詔帥羣蠻近六萬寇邕州將入

境承訓乃遣六道兵凡萬人拒之以獠為導給之存疑給之二字

今不敵至不設備五道兵八千人皆沒惟天平軍後一日至得免

天平軍
兵也承訓聞之惶怖不知所爲節度副使李行素帥眾治麻櫛

甫畢蠻軍已合圍留四日治攻具將就諸將請夜分道斫蠻營承

訓不許有天平小校再三力爭乃許之小校將勇士三百夜縋而

出散燒蠻營斬首五百餘級蠻大驚聞一日解圍去承訓乃遣諸

軍數千追之所殺虜不滿三百級皆溪獠脅從者承訓騰奏告捷

云大破蠻賊中外皆賀 夏四月以兵部侍郎判戶部蕭真同平

章事真復之孫也 加康承訓檢校右僕射賞破蠻之功也自餘

奏功受賞者皆承訓子弟親昵燒營小校不遷一級由是軍中怨

怒聲流道路 五月敕徐州土風雄勁甲士精彊比因罷節頗多

逃匿宜令徐泗團練使選募軍士三千人赴邕州防戍待嶺外事

甯卽與代歸 秋七月西川奏兩林鬼主邀南詔蠻敗之

史略曰
兩林部

落東蠻國也去勿鄂國七十里地

雖狹而諸部推爲長號大鬼主殺獲甚眾係塞城使杜守連不

從南詔帥眾詣黎州降嶺南東道節度使韋宙具知康承訓所

爲以書白宰相承訓亦自疑懼累表辭疾乃以承訓爲右武衛大

將軍分司

考異曰補國史嶺南東道節度使韋宙兼領供軍使將吏在邕州者潛令申報事無巨細莫不知之復究尋克

捷事多虛妄具所聞啟于丞相承訓已自懷疑懼辭疾免責授右武衛大將軍分司東都僖宗實錄承訓傳曰南蠻陷交趾以承訓

爲嶺南西道節度使驗歲討平之加檢校右僕射與鄰帥不可以右武衛大將軍罷歸益其家行狀云爾今從補國史懿宗實錄

傳

以容管經略使張茵爲嶺南西道節度使復以容管四州別爲

經略使時南詔知邕州空竭不復入寇茵久之不敢進軍取安南

夏侯改薦驍衛將軍高駢代之

考異曰補國史茵驍衛將軍無遺略經年不敢進軍丞相夏侯貞孝公屬

賊密疏請用驍衛將軍高駢有制以本官充郡州進討使旋拜安南節度使其苗所領兵並付高公指揮案今年正月詔茵將軍收

復安南若經年則致已罷相今從實錄附于此實錄駢官爲右領軍上將軍太高今從補國史舊紀五年四月南蠻寇邕管以秦州

經略使高駢率禁軍五千乃以駢爲安南都護本管經略招討使
會諸道之師禦之今不暇乃以駢爲安南都護本管經略招討使
茵所將兵悉以授之駢崇文之孫也世在禁軍駢頗讀書好談今
古兩軍宦官多譽之累遷右神策都虞候党項叛將禁兵萬人戍
長武屢有功遷秦州防禦使復有功故委以安南天平節度使
柳仲郢薨仲郢母韓臯之女善訓子故仲郢幼嗜學母常和熊膽
丸使夜咀嚼以助其勤及長工文章持身有父公綽風矩動循禮
法牛僧孺鎮江夏辟爲從事歎曰非積習名教安能及此哉仲郢
方嚴尚氣義事親甚謹感李德裕之知己大中朝李氏無祿仕者
仲郢領鹽鐵取德裕兄子從質爲推官知蘇州院事令以祿利贖
南宅宰相令狐綯持不可乃移書開諭綯曰任安不去常自愧於
昔人吳詠自裁亦何施於今日李太尉受責已久其家已空遂絕

蒸嘗誠增痛惻細感悟從之仲郢私居未嘗不拱手內齋未嘗不束帶父子更九鎮五爲京兆再爲河南皆不奏祥瑞不度浮屠急於摘貪吏濟單弱每旱潦必貸贖獨負里無逋家衣冠孤女不能自歸者必斥廩爲婚嫁在朝非慶弔不至宰相第父子行略相同而仲郢尤簡素廩無名馬衣不熏香退公布卷不舍晝夜家有書萬卷所藏必三本上者貯庫其副常所閱下者幼學焉九經三史一鈔魏晉已來南北史再鈔又手錄它書分門三十卷號柳氏自備皆小楷精謹無一行字當時士大夫崇尚家法者以柳氏爲冠公肄唱之仲郢和之其餘子弟亦各修整嘗出貨一婢于韓金吾家猶未成券聞金吾於廳事上買綾自以手取視之且與咀噲議價咀音臧上聲噲音桂實物牙行也婢於窗隙中窺見卽僞作中風狀仆地金吾

怪而問之婢云我以此疾故出柳宅也金吾遂不售而歸之人或問曰汝何時有此疾婢曰不然我曾伏事柳家郎君豈能事此賈絹耳郎耶冬十一月以門下侍郎同平章事夏侯孜同平章事充河東節度使王與以翰林學士承旨兵部侍郎路巖同平章事時年三十六為路巖以高位疾債張本

咸通六年春正月丁巳始以懿安皇后配饗憲宗廟時王皞復為禮院檢討官更申前議朝廷竟從之王皞議見二百四十八卷宣宗大中二年諸

道進私白者

唐時諸道歲進聞見號曰私白

閩中為多故宦官多聞入福建觀察

使杜宣猷每寒食遣吏分祭其先壘宦者德之庚申以宣猷為宣歙觀察使時人謂之敕使墓戶三月中書侍郎同平章事蕭寶瑤夏四月以前東川節度使高璩為兵部侍郎同平章事瑤元

裕之子也

元祐見二百四十五卷文
宗太和八年。○據音渠

楊收建議以蠻寇積年未

平兩河兵戍嶺南冒瘴霧物故者什六七請於江西積粟募彊弩

三萬人以應接嶺南道近便仍建節以重其樞從之五月辛丑置

鎮南軍於洪州

撫州刺史喻士珍貪獍

獍音怪

掠兩林蠻以易金

南詔復寇撫州兩林蠻開門納之南詔盡殺戍卒士珍降之壬

寅以桂管觀察使嚴譔為鎮南節度使譔震之從孫也六月兵

部侍郎同平章事高瑋

瑋以御史大夫徐商為兵部侍郎同平

章事

秋七月立皇子侃為郢王儼為普王

高駢治兵於海門

未進監軍李維周惡駢欲去之廣趣駢使進軍駢以五千人先濟

約維周發兵應接駢既行維周擁餘眾不發一卒以繼之九月駢

至南定

高祖武德四年分交趾所管宋平縣置南定縣時屬安南府
府安南府即交趾宋白曰南定縣漢日南郡西捲縣地

峯州蠻眾近五萬方獲田

劉昫曰峯州隋交趾郡之嘉甯縣唐武德四年置峯州嘉甯漢龍洽縣地

掩擊大破之

考異曰舊紀實錄皆云五月驍奏於邕管大敗林邑蠻案林邑在海南自平德後蠻環王與中國久絕

响但見南蠻則謂之林邑誤也新南詔傳亦云驍以遼士五千度江敗林邑兵于邕州亦承此而誤也舊紀又云是歲秋高驍自海門進軍破蠻軍收復安南府蓋因驍今秋發海門遂云復安南月復安南實有明年也補國史云五年九月高公力戰破峯州蠻于南定縣案張茵以五年正月句當交州受詔收復安南補國史云經年不進軍乃以驍代之則驍豈得以其年九月已破峯州蠻乎補國史又云驍破峯州蠻後近四月餘日表報不至朝廷以王晏權代之六月高公進軍收復安南亦不云幾年六月蓋驍以六月六月破峯州蠻七年六月破安南耳實錄又云九月驍奏破蠻龍州營寨并燒食糧等事詔驍令于當界守備緣近有故文已許恩有俟其後故亦未要更深加討逐案蘇在明年十一月此詔必在驍已平安南後實錄誤也新傳又云驍擊南詔龍州屯蠻酋燒貴畜走龍州即安南所管龍編縣也收其所獲以食軍冬十二月壬子太皇太后

鄭氏崩 晉絳二州地震

丙戌咸通七年春二月歸義節度使張義潮奏北庭回鶻僕固俊克

卷之六 宋宗咸通六年七年

西州北庭輪臺清鎮等城

北庭本貞觀所置之庭州長安二年置北庭都護府西七百里有清海鎮又西

延城西行三百二十里至輪臺縣考異曰實錄義湖奏俊收西河

及部落胡漢皆歸伏并表賀收西州等城事新吐蕃傳曰七年俊

驍取西州收諸部素大中五年義湖以十一州圖籍來上西州已

在其中心始云收西州者蓋當時雖得其圖籍其地猶爲吐蕃所

據耳論恐熱寓居鄯州糾合旁側諸部欲爲邊患皆不從所向盡爲

仇敵無所宜容仇人以告拓拔懷光於鄯州懷光引兵擊破之

宋

曰鄯州南至麻州一百八十里考異曰實錄義湖又奏鄯州城使

張季暉押領拓拔懷光下使到尙思熱將并隨身器甲等並以進

奉新吐蕃傳曰鄯州城使張季暉與尙思熱戰破之收器鎧以獻今從補國史實錄

三月戊寅以河東節

度使劉潼爲西川節度使初南詔陷巂州東蠻浪稽部竭力助之

遂屠其城

謂去年陷巂州也卑籠部怨南詔殺其父兄導忠武戍兵襲浪

稽滅之南詔因是怨唐南詔遣清平官董成等詣成都節度使李

福盛儀衛以見之故事南詔使見節度使拜伏於庭成等曰驃信

已應天順人

南詔自尋夢溪以來自稱僭僭夷語君也因僭號自謂應天順人

我見節度使當抗

禮傳書往返自旦至日中不決將士皆憤怒福乃命梓而殿之因

械繫於獄劉潼至鎮釋之奏遣還國詔召成等至京師見於別殿

厚賜勞而遣之成德節度使王紹懿在鎮十年為政寬簡軍民

使之疾病召兄紹鼎之子都知兵馬使景崇而告之曰吾兄以汝

之功以軍政授我汝今長矣我復以軍政歸汝努力為之上忠朝

廷下和鄰藩勿墜吾兄之業汝之功也言竟而薨閏月吐蕃寇

邠甯節度使薛宏宗拒卻之夏四月辛巳貶前西川節度使李

福為斬王傅

以嚴繫南詔使者也斬王繼順宗子

五月葬孝明皇后於景陵之側

主祔別廟六月魏博節度使何宏敬薨軍中立其子左司馬全

皞為留後以王景崇為成德留後南詔會龍遣善闡節度使

楊緝思助安南節度段酋遷守交趾善關府南詔別都也在交趾西北以范昵些

為安南都統些音後上聲又音細趙諾眉為扶邪都統案實錄扶邪縣屬羅伏州蓋南詔所置也

監陳敕使韋仲宰將七千人至峯州高駢得以益其軍進擊南詔

屢破之捷奏至海門李維周皆匿之數月無聲問上怪之以問維

周維周奏駢駐軍峯州玩寇不進上怒以右武衛將軍王晏權代

駢鎮安南考異曰補國史謂駢及晏權皆云安南節度使案時安南止有都護經略招討使耳無節度使也舊王智興傳

九子無晏權名實錄亦云命晏權召駢詣闕欲重貶之晏權智興

之從子也是月駢大破南詔蠻於交趾殺獲甚眾遂圍交趾城

秋七月以何全皞為魏北留後 八月辛卯晝晦 冬十月甲申

以門下侍郎同平章事楊收為宣歙觀察使收性侈靡門吏僮奴

多倚為姦利楊元价兄弟受方鎮之賂屢有請託收不能盡從元

价怒以爲叛已故出之 旺蕃拓跋懷光以五百騎入鄜州生擒
論恐熱先則其足數而斬之傳首京師其部眾東奔秦州尙延心
邀擊破之悉奏遷於嶺南吐蕃自是衰絕乞離胡君臣不知所終

乞離胡事始見二百四十六卷武宗會昌五年

高駢圖交趾十餘日蠻困蹙甚城且下

會得王晏權牒已與李維周將大軍發海門駢卽以軍事授章仲
宰與麾下百餘人北歸先是仲宰遣小使王惠贊駢遣小校曾袞
入告交趾之捷至海中望見旌旗東來問遊船

遊船遊奔之船

云新經略

使與監軍也二人謀曰維周必奪表畱我乃匿於船開維周過卽
馳詣京師上得奏大喜卽加駢檢校工部尙書復鎮安南駢至海
門而還王晏權聞勸動稟李維周之命維周凶貪諸將不爲之用
遂解重圍轡遁去者大半駢至復督勵將士攻城遂克之殺段會

遷及土蠻為南詔鄉導者朱道古

蠻居安南界內者為土蠻斬首三萬餘級

考異

日舊紀十月蠻寇悉平實錄九月驍奏殺戮都蠻統叛首遷朱道古及斬首三千餘級十月丙申日下又云驍奏收復安南蠻寇遁散又云敗楊紹思段曾遷朱道古殺戮三萬餘級新紀十月高驍克安南案版首述即段曾遷字之誤也補國史收城與敗緝思等共是一事實錄分在兩月不知其何所據也新南詔傳曰七年六月驍次交州戰數勝士酣鬪斬其將張詮李達龍舉眾出人奔拔波風三壁緝思出戰敗走城士乘之起燔入斬倉遷呢些諸眉上首三萬級安南平蓋因驍以六月至安南終書之耳安南實不以六月平也

今從新舊紀南詔遁去驍又破土蠻附南詔者二洞誅其酋長土

蠻帥眾歸附者萬七千人十一月壬子赦天下免咸通二年以

前遣負詔安南邕州西川諸軍各保疆域勿復進攻南詔委劉潼

曉諭如能更修舊好一切不問置靜海軍於安南以高驍為節

度使

自此迄宋朝安南建為靜海軍節鎮自李涿侵擾羣蠻為安南患殆將十年至

是始平驍築安南城周二千步造屋四十餘萬間十二月黠戛

斯電將軍乙支連幾入貢奏遣鞍馬迎冊立使及請明年歷日

以成德留後王景崇爲節度使 上好音樂宴遊殿前供奉樂工

常近五百人每月宴設不減十餘水陸皆備聽樂觀優不知厭倦

賜與動及千緡曲江昆明瀾滙南宮北苑

南宮即興慶宮禁苑在皇城之北

昭應

咸陽

昭應有華清宮咸陽有望賢館

所欲遊幸卽行不待供置有司常具音樂飲

食幄帟諸王立馬以備陪從每行幸內外諸司扈從者十餘萬人
所費不可勝紀

行咸通八年春正月以魏博留後何全皞爲節度使 丁未晉絳

二州地震 二月歸義節度使張義潮入朝以爲右神武統軍命

其族子惟深守歸義 自安南至邕府海路多潛石覆舟靜海節

度使高駢募工鑿之漕運無滯

西川近邊六姓蠻

六姓蠻一日蒙蠻二日夷

豐三日訖豐四曰張豐常持兩端無寇則稱效順有寇必爲前鋒
五日勿鄭豐六曰白豐卑龍部獨盡心於唐與羣蠻爲讎朝廷賜姓李除爲刺史節度使
劉潼遣將將兵助之討六姓蠻焚其部落斬首五千餘級樂工
李可及善音律尤能轉喉爲新聲音辭曲折聽者忘倦三月止以
可及爲左威衛將軍曹確諫曰太宗定文武官六百餘員謂房元
齡曰朕以待天下賢士工商雜流不可處也太和中文宗欲以樂
工尉遲璋爲王府率拾遺竇洵直諫即改光州長史乞以兩朝故
事別處可及官不從可及遂憑恩恣橫人無敢指斥夏四月上
不豫羣臣稀進見五月丙辰疏理天下繫囚非巨蠹不可赦者皆
遞降一等出官人五百縱神策五坊鷹鷂秋七月雨湯於下邳

壬寅斬王緝薨

緝順宗子

懷州民訴旱刺史劉仁規揭榜禁之民

怒相與作亂逐仁規仁規逃匿村舍民入州宅掠其家貨登樓擊

鼓久之乃定 甲子以兵部侍郎充諸道鹽鐵轉運等使駙馬都

尉于琮同平章事 宣歙觀察使楊收過華嶽廟華嶽廟在華州華陰縣施

衣物使巫祈禱縣令誣以為收罪右拾遺韋保衡復言收前為相

除嚴譔江西節度使受錢百萬又置造船務人訟其侵隱八月庚

寅貶收端州司馬考異曰舊傳曰韋保衡作相又發收陰事言前用嚴譔為江西節度使照百萬明年貶為端州

司馬案是時保衡未作相舊傳誤今從實錄 九月上疾瘳賜民痢疾及軍士戰傷者

廩 冬十二月信王恊薨恊憲宗子 加嶺南東道節度使韋宙同平

章事 進士皮日休上書請以孟子為學科其略云臣聞聖人之

道不過乎經經之降者不過乎史史之降者不過乎子子之不異

道者孟子也捨是而子者必斥乎經史為聖人之賊請廢莊列之

昔以孟子爲主有能通其義者其科選同明經又請以韓愈配饗
太學其略云臣聞聖人之道不遇乎求用用於生前則一時可知
也用於死後則萬世可知也孟子荀卿翼傳聖道以至於文中子
文中子之道曠矣其幾於室授者唯韓愈焉賦鵬揚墨蹂踐釋老
故得孔道炳然如日星焉吾唐以來一人而已苟不得在二十一
賢之數則典禮未爲備也不聽

資治通鑑補卷第二百五十一

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

唐紀六十七

起九年盡十年凡二年

懿宗昭聖恭惠孝皇帝中

咸通九年夏六月鳳翔少尹李師望上言邠州控扼南詔爲其要衝成都道遠難以節制請分眉蜀邛雅嘉黎七州建定邊軍屯重兵於邠州以邛州爲理所朝廷以爲信然以師望爲邠州刺史充定邊軍節度眉蜀邛雅嘉黎等州觀察統押諸蠻并統領諸道行營制置等使師望利於專制方面故建此策其實邛距成都

纔自六十里鬻距邛千里其欺罔如此

爲李師望以定邊軍致寇張本

初南詔

陷安南敕徐泗募兵三千赴援分八百人別戍桂州初約三年一

代徐泗觀察使崔彥會慎山之從子也性嚴刻朝廷以徐兵驕命

鎮之都押牙尹戡教練使杜璋兵馬使徐行儉用事軍中怨之戍

桂州者已六年屢求代還戡言於彥會以軍帑空虛發兵所費頗

多請更畱戍卒一年彥會從之戍卒聞之怒都虞候許佶軍校趙

可立姚周張行實皆故徐州羣盜州縣不能討招出之補牙職會

桂管觀察使李叢移湖南新使未至秋七月佶等作亂殺都將王

仲甫推糧料判官龐勛爲主

唐制凡行軍置糧軍糧料使兵少者置糧料判官

劫庫兵北

還所過剽掠

劫桂州庫兵北歸徐州

州縣莫能禦朝廷聞之八月遣高品張

敬思赦其罪

新書百官志內侍省有高品一千六百九十六人

部送歸徐州戍卒乃止剽

掠 以前靜海節度使高駢為右金吾大將軍駢請以從孫潯代

鎮交趾從之

考異曰補國史曰高公旌係潯將先鋒軍每遇陳敵身當矢石及高公內舉交代朝廷命潯節度交趾實

錄但云高潯以下勒姓名于碑陰不云潯為節度使新傳云駢之戰其從孫潯常為先鋒冒矢石以勸士駢徙天平薦潯自代詔拜交州節度使紫駢為金吾半歲始除天平今從補國史

九月戊戌以山南東道節度使盧

耽為西川節度使以有定邊軍之故不領統押諸蠻安撫等使

既分

西川置定邊軍則諸蠻皆在定邊軍巡內

龐勛等至湖南

湖南觀察治潭州

監軍以計誘之

使悉輸其甲兵山南東道節度使崔鉉嚴兵守要害徐卒不敢入境泛舟沿江東下許佶等相與謀曰吾輩罪大於銀刀朝廷所以赦之者慮緣道攻劫或潰散為患耳若至徐州必菹醢矣乃各以私財造甲兵旗幟過浙西入淮南淮南節度使令狐綯遣使慰勞給芻米都押牙李湘言於綯曰徐卒擅歸勢必為亂雖無敕令誅

討藩鎮大臣當臨事制宜高郵岸斗峻而水深狹請將奇兵伏於其側焚荻舟以塞其前以勁兵蹙其後可盡擒也不然縱之使得渡淮至徐州與怨憤之眾合為患必大綯素懦怯且以無敕書乃曰彼在淮南不為暴聽其自過餘非吾事也勅招集銀刀等都宸匿及諸亡命匿於舟中眾至千人丁已至泗州泗州晉末宿豫之又置宿豫郡又改東徐州又改東楚州以大象三年改泗州隋元二十四年移州治臨淮縣臨淮本漢徐城縣地當泗水口南北衝要之刺史杜愔饗之於毬場優人致辭凡藩府有大宴則樂部頭當筵致辭稱頌寶主之美所謂致語徐卒以為玩已擒優人欲斬之坐者驚散愔素為之備者是也

徐卒不敢為亂而止愔之弟也先是朝廷屢收崔彥曾慰撫戍卒遣歸者勿使憂疑彥曾遣使以救意諭之道路相望勛亦申狀相繼辭禮甚恭戊午行及徐城徐城縣屬徐州宋朝省徐城為鎮入臨淮縣在泗州北百餘里自此

而西北則入徐州界無其道里迂遠故龐勛助與許佶等乃言於等西入宿州至符離距徐州僅一百四十里

眾曰吾輩擅歸思見妻子耳今聞已有密敕詔本軍至則支分滅

族矣丈夫與其自投羅網為天下笑曷若相與戮力同心赴蹈湯

火豈徒脫禍非富貴可求況城中將士皆吾輩父兄子弟吾輩一

唱於外彼必響應於內矣然後遵王侍中故事

王侍中謂王智興也事見二百四十

二卷穆宗長慶二年

五十萬貫錢可翹足待也眾皆呼躍稱善將士趙武等

十二人獨憂懼欲逃去勸悉斬之遣使致其首於彥曾且為申狀

稱勛等遠戍六年實懷鄉里而武等因眾心不安輒萌姦計將士

誠知詿誤敢避誅夷今既蒙恩全宥輒共誅首惡以補愆尤冬十

月甲子使者至彭城彥曾執而訊之具得其情乃囚之丁卯勛復

於遞中申狀

遞中謂入鄧簡遞送使府

稱將士自負罪戾各懷憂疑今已及符

離尚未釋甲

符離漢古縣時屬宿州九城志宿州北至徐州一百二十里

蓋以軍將尹戡杜璋

徐行儉等狡詐多疑必生釁隙乞且停此三人職任以安眾心仍

乞戍還將士別置二營其爲一將時戍卒距彭城止四驛

唐制三驛四驛百二十里

驛四驛百二十里

闔城怙懼彥曾召諸將謀之皆泣曰比以銀刀凶悍使

一軍皆蒙惡名殲夷流竄不無枉濫今冤痛之聲未已而桂州戍

卒復爾猖狂若縱使入城必爲逆亂如此則闔境塗地矣不若乘

其遠來疲弊發兵擊之我逸彼勞往無不捷彥曾猶豫未決團練

判官溫廷皓復言於彥曾曰安危之兆已在目前得失之機決於

今日今擊之有三難而捨之有五害詔釋其罪而擅誅之一難也

帥其父兄討其子弟二難也枝黨鉤連刑戮必多三難也然當道

戍卒擅歸不誅則諸道戍邊者皆效之無以制禦一害也將者一

軍之首而輒敢害之

開成卒殺都將王仲甫也

則凡爲將者何以號令士卒二

害也所過剽掠自爲甲兵招納亡命此而不討何以懲惡三害也

軍中將士皆其親屬銀刀餘黨潛匿山澤一旦內外俱發何以支

梧四害也通脅軍府誅所忌三將又欲自爲一營從之則銀刀之

患復起違之則託此爲作亂之端五害也惟明公去其三難絕其

五害早定大計以副眾望時城中有兵四千三百彥曾乃命都虞

候元密等將兵三千人討勛數勛之罪以令士眾且曰非惟塗炭

平人實亦污染將士儻國家發兵誅討則玉石俱焚矣又曰凡彼

親屬無用憂疑罪止一身必無連坐仍命宿州出兵符離泗州出

兵於虹以邀之

虹漢古縣宋魏廢省古城在夏邱縣界武德置虹縣於古虹城貞觀八年移治夏邱故城時廢宿州

九城志在州東一百八十里○虹音絳

且奏其狀彥曾戒元密無傷救使

時張敬思尙在助等

軍戊辰元密發彭城軍容甚盛諸將至任山北數里

任山在彭城西南三十里

頓兵不進其思所以奪敵使之計欲俟賊入館乃縱兵擊之遣人變服負薪以誑賊日暮賊至任山館中空無人又無供給疑之見負薪者執而榜之果得其情乃爲偶人執旗幟列於山下而潛遁比夜官軍始覺之恐賊潛伏山谷及聞道來襲復引兵退宿於城南明旦乃進兵追之時賊已至符離宿州戍卒五百人出戰於濉水上

濉水在虹縣縣壁東

望風奔潰賊遂抵宿州時宿州闕刺史觀察副使

焦璐攝州事城中無復餘兵庚午賊攻陷之璐走免

考異曰舊紀九月甲午賊陷宿州今從鄭樵

彭門紀亂及新紀

賊悉聚城中貨財令百姓來取之一日之中四

遠雲集然後選募爲兵有不願者立斬之自旦至暮得數千人於

是勒兵乘城龐勛自稱兵馬副使後再宿官軍始至賊守備已嚴不

可復攻先是焦璐聞符離敗決汴水以斷北路賊至水尚淺可涉
比官軍至已深矣壬申元密引兵渡水將圍城會大風賊以火箭
射城外茅屋延及官軍營士卒進則冒矢石退則限水火賊急蹙
之死者近三百人元密等以爲賊必固守但爲攻取之計賊夜使

婦人持更

夜有五更使人各直一更擊鼓以警眾謂之持更顏之推曰一更二更三更四更皆以五爲節西都賦云衛以

嚴更之署所以爾者假令正月建寅斗柄夕則指寅寅則指午自寅至午凡歷五辰冬夏之月雖復長短辰開遂開盈不至六編不至四進退常在五者之閒更歷也經也故曰五更掠城中大船三百艘備載資糧順流而

下欲入江湖爲盜

舊州居汴河之會漕運及商旅所經故城中有大船沿汴而下人淮則可以入江湖矣以

千縑贈張敬思遣騎送至汴之東境

此謂汴州東境也縱使西歸

謂西歸長安

明旦官軍知賊已去狼狽追之士卒皆未食比追及已飢乏賊機
舟隄下而陳於隄外伏千人於舟中官軍將至陳者皆走入陂中

密以爲畏己縱兵追之賊自舟中出來攻之自午及申官軍大敗
密引兵走陷於荷渚賊追及之密等諸將及監陳敕使皆死士卒
死者殆千人其餘皆降於賊無一人還徐者賊問降卒以彭城人
情計謀知其無備始有攻彭城之志乙亥龐勛引兵北渡濰水踰
山趣彭城其夕崔彥曾始知元密敗移牒鄰道求救明日塞門選
城中丁壯爲守備內外震恐無復固志或勸彥曾奔兗州九域志
兗州北
至兗州三百六十里彥曾怒曰吾爲元帥城陷而死職也立斬言者丁丑賊
至城下眾六七千人鼓譟動地民居在城外者賊皆慰撫無所侵
擾由是人爭歸之不移時克羅城彥曾退保子城羅城外大城也
子城內小城也
民助賊攻之推草車塞門而焚之城陷考異曰舊紀九月乙未龐
勛陷徐州殺節度使崔彥
會判官焦略等賊令別將梁邠守宿州又遣劉行及丁景琮吳遇
攻泗州今從彭門紀亂及新紀舊彥曾傳曰九年九月十四日

賊逼徐州十五日後每旦大霧十六日彥曾竝誅逆卒家口十七日昏霧尤甚賊四面斬開而入質錄自勛至徐州出兵退至符離已後皆置於十一賊囚彥曾於大彭館執尹戡杜璋徐行儉劊而剉之盡滅其族勛坐聽事盛陳兵衛文武將吏伏謁莫敢仰視卽日城中願附從者萬餘人戊寅勛召溫庭皓使草表求節鉞庭皓曰此事甚大非頃刻可成請還家徐草之勛許之明旦勛使趣之庭皓來見勛曰昨日所以不卽拒者欲一見妻子耳今已與妻子別謹來就死勛熟視笑曰書生敢爾不畏死邪龐勛能取徐州何患無人草表遂釋之有周重者每以才略自負勛迎爲上客重爲勛草表稱臣之一軍乃漢室興王之地漢高帝起于沛縣唐沛屬徐州頃因節度使刻削軍府賞罰失中遂致迫逐陛下奪其節度翦滅一軍見上年或死或流冤橫無數今聞本道復欲誅夷將士不勝痛憤推臣

權兵馬閣後彈壓十萬之師撫有四州之地

四州謂徐宿濠泗

臣聞見利

乘時帝王之資也臣見利不失遇時不疑伏乞聖慈復賜旌節不然揮戈曳戟詣闕非遲庚辰遣押牙張琯奉表詣京師勛以許佶爲都虞候趙可立爲都遊弈使黨與各補牙職分將諸軍又遣舊將劉行及將千五百人屯濠州李圓將二千人屯泗州梁丕將千人屯宿州自餘要害縣鎮悉繕完戍守徐人謂旌節之至不過旬月願效力獻策者遠近輻湊乃至光蔡淮浙兗鄆沂密羣盜皆倍道歸之聞盜郭郭旬日閒米斗直錢二百助詐爲崔彥曾請翦滅徐州表其略曰一軍暴卒盡可翦除五縣愚民各宜配隸又作詔書曰依其所請傳布境內徐人信之皆歸怨朝廷曰徵桂州將士回戈吾黨悉爲魚肉矣劉行及引兵至渦口

渦口至濠州僅隔池水耳

道路附

從者增倍濠州兵纔數百刺史盧望回素不設備不知所爲乃開

門具牛酒迎之行及入城囚望回自行刺史事

考異曰舊紀實錄新紀濠州陷在

一月案懷本徐之屬郡勛始得徐州則遣行及取之望回猶未及爲備豈得至十一月今從彭門紀亂

泗州刺史杜

慆聞勛作亂完守備以待之且求救於江淮李圓遣精卒百人先

入泗州封府庫怡遣人迎勞誘之入城悉誅之明日圓至卽引兵

圍城城上矢石雨下賊死者數百乃斂兵屯城西勛以泗州富江

淮之衝益發兵助圓攻之眾至萬餘終不能克 初朝廷聞龐勛

自任山還趣宿州遣高品康道偉齎敕書撫慰之十一月道偉至

彭城勛出郊迎自任山至子城三十里大陳甲兵號令金鼓響振

山谷城中丁壯悉驅使乘城宴道偉於毬場使人詐爲羣盜降者

數千人諸寨告捷者數十輩復作求節鉞表附道偉以聞 初辛

雲京之孫謙

辛雲京見二百二十卷肅宗實錄二年

形甚臞而短然多力少年時嘗

耕于野有兩牛相鬪謙直前兩持其角牛不能動及長學詩書能
操劍性慷慨重然諾專務周人之急救人之難年五十不仕寓居
廣陵與杜悛有舊聞龐勛作亂詣泗州勸悛挈家避之悛曰安平
享其祿位危難棄其城池吾不爲也且人各有家誰不愛之我獨
求生何以安眾誓與將士共死此城耳謙曰公能如是僕與公同
死乃還廣陵與其家訣壬辰復如泗州時民避亂扶老攜幼塞塗
而來見謙皆止之曰人皆南走子獨北行取死何爲謙不應至泗
州賊已至城下謙急掉小舟得入悛卽著團練判官城中危懼都
押牙李雅有勇略爲悛設守備帥眾鼓譟四出擊賊賊退屯徐城
眾心稍安龐勛募人爲兵人利於剽掠爭赴之至父遣其子妻勉

其夫皆斷鉏首而銳之執以應募鄰道聞勛據徐州各遣兵據要害而官軍尙少賊眾日滋官軍數不利賊遂破魚臺近十縣宋州東有磨山民迷匿其止勛遣其將張元稔圍之會旱山泉竭數萬口皆渴死或說勛曰畱後止欲求節鉞當恭順盡禮以事天子外戢士卒內撫百姓庶幾可得勛雖不能用然國忌猶行香饗士卒必先西向拜謝癸卯勛聞敕使入境以爲必賜旌節眾皆賀明日敕使至但責崔彥曾及監軍張道謹貶其官勛大失望遂囚敕使不聽歸詔以右金吾大將軍康承訓爲義成節度使徐州行營都招討使神武大將軍王晏權爲徐州北面行營招討使羽林將軍戴可師爲徐州南面行營招討使

考異曰舊紀十年正月以神武大將軍王晏權爲武甯節度使

晏權智興之從子也以右神策大將軍康承訓充徐泗行營都招討使凡十八將分董諸道之兵七萬三千一十五人正月一日進

軍攻徐州又曰承訓大軍攻宿州賊將梁丕出戰屢敗乃授承訓
義成節度使實錄九年十二月以右金吾大將軍康承訓爲義成
節度使充徐泗行營兵馬都招討使承訓不赴鎮以節度副使陳
勳句當焉後以王晏權爲徐泗濠宿等州觀察使充徐州北面行
營招討等使羽林將軍戴可師爲徐州南面行營招討等使彭門
紀亂新紀承訓等除招討使皆在十一月唐年補錄十一月庚申
以太原節度使康承訓爲都統討徐州案庚申十二月一日大發
承訓舊官亦非太原節度使補錄誤也今從彭門紀亂新紀
諸道兵以隸三帥承訓奏乞沙陀三部落使朱耶赤心沙陀薩葛
安慶分爲
三及吐谷渾達靼契苾酋長各帥其眾以自隨詔許之龐勛以李
圓攻泗州久不克遣其將吳迴代之丙午復進攻泗州晝夜不息
時敕使郭厚本將淮南兵千五百人救泗州至洪澤九域志楚州
淮陰縣有洪
澤畏賊彊不敢進辛譙請往求救杜愔許之丁未夜乘小舟潛渡
淮至洪澤說厚本厚本不聽比明復還己酉賊攻城益急欲焚水
門城中幾不能禦譙請復往求救愔曰前往徒還今往何益譙曰

此行得兵則生返不得則死之愴與之泣別譙復乘小舟負戶突圍出見厚本爲陳利害厚本將從之淮南都將袁公弁曰賊勢如此自保恐不足何暇救人譙拔劍瞋目謂公弁曰賊百道攻城陷在朝夕公受詔救援而逗留不進豈惟上負國恩若泗州不守則淮南遂爲寇場公詎能獨存邪我當殺公而後去耳起欲擊之厚本起抱止之公弁僅免譙乃回望泗州慟哭終日士卒皆爲之流涕厚本乃許分五百人與之仍問將士將士皆願行譙舉身自擲叩頭以謝將士遂帥之抵淮南岸望賊方攻城有軍吏言曰賊勢已似入城還去則便譙逐之攬得其髻舉劍擊之士卒共救之曰千五百人判官不可殺也

存疑時郭厚本止分五百人而此譙曰云千五百人想感譙義從者眾耳

臨陳妄言惑眾必不可捨眾請不能得乃其奪之譙素多力眾不

能奪譙曰將士但登舟我則捨此人眾競登舟乃捨之士卒有回
顧者則斫之驅至淮北勒兵擊賊愾於城上布兵與之相應賊遂
敗走鼓譟逐之至哺而還龐勛遣其將劉侑將精兵數千助吳迥
攻泗州劉行及亦自濠州遣其將王宏立引兵會之戊午鎮海節
度使杜審權鎮海軍治潤州遣都頭翟行約將四千人救泗州己未行約
引兵至泗州賊逆擊於淮南圍之城中兵少不能救行約及士卒
盡死先是令狐綯遣李湘將兵數千救泗州與郭厚本袁公弁合
兵屯都梁城都梁城在泗州盱眙縣北邵梁山頂安世曰都梁縣有小山山上水係清淺其山中悉產蘭草綠葉紫莖俗謂蘭爲都梁因以名縣與泗州隔淮相望賊既破翟行約乘勝圍之十二月
甲子李湘等引兵出戰大敗賊遂陷都梁城執湘及郭厚本送徐
州考異曰舊紀十月賊攻泗州勢急令狐綯慮失淮口乃令大將李湘赴援舉軍皆沒湘與都監郭厚本俱爲賊所執送徐州令

狐綏傳曰賊聞湘來援遣人致書于綸辭情遜順言朝廷累有詔赦宥但抗拒者三兩人耳旦夕圖去之卽束身請命願相公保任之綸卽奏聞請賜助節賊仍賊李湘但成淮口賊已招降不得立異由是湘軍解甲安寢去警衛備日與賊相對歡笑交言一日賊軍乘閒步騎徑入湘壘淮卒五千人皆破生繫送徐州爲賊蒸而食之湘與監軍郭厚本爲寵勛斷手足以徇于康承訓軍時浙西杜審權發軍千人與李湘約會兵大將翟行約勇敢知名浙軍未至而湘軍敗賊乃分兵立淮南旗幟爲交關之狀行約軍望見急趣之千人竝爲賊所縛送徐州綸既喪師朝廷以馬舉代綸爲淮南節度使辛璠傳曰湘率五千人來援賊詐降敗于淮口湘與郭厚本皆爲賊所執彭門亂曰助以泗州堅守遣劉佑共謀攻取時淮南宣潤三道發兵戍都梁山舊城與泗州隔淮而已賊羣乃夜潛師屯淮及明而逼城濠州賊帥劉行及亦遣王宏立侵掠淮南于是合眾急攻官軍遂棄城出戰十一月三十日賊乃大敗官軍殺害二千人生降七八百人并虜其將李湘等咸送于徐州賊遂據有淮口斷絕驛路又曰賊既破賊可師令狐綸乃遣使誘諭約爲奏請節旄續皇王寶運錄曰十一月二十九日浙西節度使杜審權差都頭翟行約將兵二千來救三十日行約領兵方欲入泗州又被賊奔來行約占山等被圍合城中兵士無可出救賊又不餘賊遂圍淮口鎮有淮南都押牙李湘鎖將袁公弁領馬步三千人被圍從十一月三十日至十二月五日李湘束甲出軍被襲

道殺盡卻入鎮者使堅壁鎮內兵士老小一萬餘人
入淮漕驛路絕謂東南漕驛入上郡之路絕也
賊將姚周屯柳子九城志宿州臨淮縣有柳子鎮在今宿州北九

里至柳子鎮張舜民柳行錄曰柳子鎮在永城縣
南九城志永城屬亳州在州東北一百一十五里

道兵集者纔萬人承訓以眾寡不敵退屯宋州龍助以為官軍不

足畏乃分遣其將丁從實等各將數千人南寇舒廬北侵沂海破

沅陽下蔡烏江巢縣沅陽漢廣邱縣後魏改曰沅陽唐屬海州九

屬潁州烏江漢東城縣之烏江亭也隋置烏江縣唐屬和州九城

志在州東北三十五里巢漢居巢縣隋為襄安縣武德七年改襄

安為巢縣屬廬州攻陷滁州殺刺史高錫望又寇和州滁州南至和

崔雍遣人以牛酒犒之引賊登樓共飲命軍士皆釋甲指所愛二

人為子弟乞全之其餘惟賊所處賊遂大掠城中殺士卒八百餘

人考異曰彭門紀亂光蔡山中作賊數攻破濠州殺刺史高錫望
攻濠州執刺史高錫望手刃之屠其城而去行簡又進攻和州刺史
崔雍登城樓謂吳約云云遂剽城中居民殺判官張深以涿浚
城濠故也助又令劉贊攻濠州陷之囚刺史盧望同丁迴車館望
同繼憤而死實錄閏月賊陷和州濠州明年二月又云助遣張行
簡攻濠州入城害刺史高錫望新紀十二月賊陷泗州援兵既絕
糧且盡人食薄粥閏月己亥辛諶言於杜愔請出求救於淮浙夜
帥敢死士十人執長柯斧乘小舟潛往斫賊水寨而出明旦賊乃
覺之以五舟遮其前以五千人夾岸追之賊舟重行遲諶舟輕行
疾力鬪三十餘里乃得免癸卯至揚州見令狐綯甲辰至潤州見
杜審權時泗州久無警聞或傳已陷諶既至審權乃遣押牙趙翼
將甲士二千人與淮南共輸米五千斛鹽五百斛以救泗州戴可
師將軍三萬渡淮轉戰而前賊盡棄淮南之守可師欲先奪淮口

後救泗州王申圍都梁城城中賊少拜於城上曰方與都頭議出
降可師爲之退五里賊夜遁明旦惟空城可師恃勝不設備是日
大霧賊將王宏立引兵數萬徑奄至縱擊官軍官軍不及成
列遂大敗將士觸兵及溺淮死得免者纔數百人亡器械資糧車
馬以萬計賊傳可師及監軍將校首於彭城考異曰續資通鑑曰
州十二月十三日遲明開賊于都梁山下賊已就降而可師自恃
兵強不爲勸賊將王宏立者將兵數萬人捷徑赴救奔突而前官
軍潰亂遂爲所敗可師最監使將校已下咸沒于陳于是龐勛自
謂前無強敵矣舊紀十二月可師與賊轉戰賊黨屢敗盡棄淮南
之守十年正月以可師充曹州行營招討使時賊將劉行及吳超
攻圍泗州可師乘勝救之屯於石梁驛賊退去可師遂擊生擒行
及賊係都梁城登城拜曰見與賊無異賊歸降可師既知其害乃遣
軍五里具城西面有水三泓大軍賊乃夜中涉水而遁明早開城
門惟病驢數人而已王師人繼未整翌日詰旦重霧賊軍大至可
師方大醉單馬奔出爲虹縣人郭眞所殺一軍盡沒賊將吳迴進
軍復圍泗州又曰龐勛奏當道先發兵嶺南兵士三千人春冬衣

今欲差人送赴邕管鄧岳觀察使劉允章上書言龐勛聚徒十萬
今若遣人遠嶺表如成卒與勛合勢則兩難非細尋詔龐勛止絕
兼令江淮諸道紀綱捕之實錄可師敗繫于閏月下來云十二月
十三日新紀十二月壬申亦用紀亂之日也按紀亂上有臘月又
云十二月十三日以下無閏月疑謂閏月十三日也然據續資運
錄閏月十一日卒蓋離潤州十四日至揚州乞兵糧若于時可歸
在都梁則慮必不舍可歸而諸揚潤也若議出在可歸敗後則令
狐綏方自救不暇何暇救潤州若可師敗在正月則新紀十二月
己除馬車南面招討使要之必龐勛自謂無敵於天下作露布散
在辛諶適揚潤之後故置於此龐勛自謂無敵於天下作露布散
示諸寨及鄉村於是淮南士民震恐往往避地江左令狐綏畏其
僞軼遣使詣勛說諭許爲奏請節鉞勛乃息兵俟命由是淮南稍
得收散卒修守備時汴路既絕江淮往來者皆出壽州自壽州拆
淮卽入颍
賊既破賊可師乘勝圍壽州掠諸道貢獻及商人貨其路復絕勛
益自驕曰事遊宴周重諫曰自古驕滿奢逸得而復失成而復敗
多矣況未得未成而爲之者乎諸道兵大集於宋州徐州始懼應

募者益少而諸寨求益兵者相繼勛乃使其黨散入鄉村驅人爲兵又見兵已及數萬人資糧匱竭乃斂富室及商旅財什取其七八坐匿財夷宗者數百家又與勛同舉兵於桂州者尤驕暴奪人資財掠人婦女勛不能制由是境內之民皆厭苦之不聊生矣王晏權兵數退紐朝廷命兗海節度使曹翔代晏權爲徐州北面招討使以天雄節度使馬舉爲淮南節度使充南面招討使

考異正文曰曹

翔馬舉爲徐州南北招討使注曰彭門紀亂作馬士舉今從新紀紀亂曰王晏權數爲賊所攻雖不敗傷亦時退紐朝廷復除龍州牧曹翔領兗海節度使充北面都統招討等使又魏博元帥何公適行軍討尤將兵三萬人倚角破賊曹翔軍于滕沛魏博軍於鹽蕭其眾都六七萬人又言賊寇海州齊州皆敗又言辛謹我泗州雖擊正月之下益追殺以前之事實錄二月以馬舉爲淮南節度使充南面招討使初康承訓率諸將正月一日進軍攻徐州不克賊圍壽州王晏權數爲賊所攻退縮不敢出戰乃以曹翔爲兗海等州節度使充北面招討使魏博遣薛尤將兵三千倚角討賊賊眾攻海州戍兵擊之大敗康承訓率眾屯于柳子之西皆承此而

誤也新紀期舉除南北招討在十二月而無聞
今因期與襄陽同討徐州而見之置丁歲末魏博節度使何全

胤遣其將薛尤將兵為三千人討龐勛
考異曰彭門紀胤曰尤將三萬人并曹翔軍都六七

萬人實錄魏博奏請出兵三千人助討徐泗舊紀襄陽何宏敬翔

奏當道點檢兵馬一萬三千赴行營姓名雖誤今取其人數

軍於滕沛尤軍於豐
泗縣古屬徐州唐春秋滕子之國隋置滕縣宋白曰以縣西四十里有滕城也豐

是歲江淮旱蝗

己咸通十年春正月庚承訓將諸道軍七萬餘人屯柳子之西自

新興至鹿塘三十里壁壘相屬徐兵分戍四境城中不及數千人

龐勛始懼民多穴地匿其中勛遣人搜掘為兵日不過得三二十

人勛將孟敬文守豐縣狡悍而兵多謀貳於勛自為符讖勛聞之

會魏博攻豐勛遣腹心將將三千人助敬文守豐敬文與之約其

擊魏博軍且譽其勇使爲前鋒新軍旣與魏博戰敬文引兵退走
新軍盡沒勛乃遣使給之曰王宏立已克淮南畱後欲自往鎮之
悉召諸將欲選一人可守徐州者敬文喜卽馳詣彭城未至城數
里勛伏兵擒之辛酉殺之 丁卯同昌公主適右拾遺韋保衡以
保衡爲起居郎駙馬都尉同昌公主名唐爲慶州常芬縣公主郭淑妃之女上特
愛之傾宮中珍玩以爲資送賜第於廣化里窗戶皆飾以雜寶井
欄藥曰槽匱亦以金銀爲之編金縷以爲箕筐賜錢五百萬緡他
物稱是 徐賊寇海州徐賊者龐勛所遣兵也九域志徐州東至海州四百八十里時諸道兵
成海州者已數千人斷賊所過橋柱而弗殊殊絕也斷橋柱而不使絕待賊過踐踏而
自仍伏兵要害以待之賊過橋筋蒼黃散亂伏兵發盡殪之其攻
壽州者復爲南道軍所破斬獲數千人南道軍淮浙之兵也辛諱以浙西之

軍至楚州收使張存誠以舟助之徐賊水陸布兵鎖斷淮流浙西軍憚其彊不敢進讜曰我請爲前鋒勝則斷之敗則汝走猶不可讜乃募選軍中敢死士數十人牒補職名先以米舟三艘鹽舟一艘乘風逆流直進賊夾攻之矢著舟板如急雨遇鎖讜率眾死戰斧斷其鎖乃得過城上人喧呼動地杜愔及將佐皆泣迎之乙酉城上望見舟師張帆自東來識其旗浙西軍也去城十餘里賊列火船拒之帆止不進愔令讜帥死士出迎之乘戰艦衝賊陳而過見張存誠帥米舟九艘曰將士在道前卻存誠屢欲自殺僅得至此今又不進讜揚言賊雖多甚易與耳帥眾揚旗鼓譟而前賊見其勢猛銳避之遂得入城 二月端州司馬楊收長流驩州尋賜死其餘屬黨友坐長流嶺表者十餘人初尙書右丞裴坦子娶收

女資送甚盛器用飾以犀玉坦見之怒曰破我家矣立命壞之已

而收竟以賄敗

附錄收字藏之七歲而孤居喪若成人母長孫氏知書親自教授十三歲通諸經義善于文詠吳人

呼爲神童伯兄發軔令咏龍收應聲曰冤邊分玉樹龍底耀銅儀會當同鼓吹不復問官私又令咏筆仍賦鑄字卽曰雖非囊中物何堅不可鑽一朝探政事定使冠三端每良辰美景吳人造門觀神童請爲詩什觀者壓敗其藩收嘲之曰爾幸無贏角何用爲吾藩若是升堂者還應自得門及身長六尺二寸廣頰深頤疏眉秀目寡言笑博學強記至他藝無不通解洛陽耕夫得古鍾高尺餘收叩之曰此姑洗角也旣而劍拭之有刻在兩槩果如收言時有安說者稱善琴收問之曰五弦外其二云何說曰世謂周文武所加收曰詩爲文士採乎說卽以黃鍾爲宮而奏之以少商應大弦收曰且止果如子之言則少商武弦由文王安得武者乎說大驚因問樂意收爲暢言之皆說所未聞時說已七十餘而收猶未冠也收以仲兄假未登第不可舉進士旣而假擢第收乃之長安一舉登第年僅二十六時故相杜梓鎮揚州署收節度推官久之宰相馬植奏授監察御史收辭曰僕兄弟進退以義頃仲兄假鄉試未第收不出衙門今假從事後府僕不忍先爲御史相公必欲振恤孤生俟僕稟兄旨命也植嗟美而止未幾假自浙西判官擢監察御史而收亦自四川入爲監察兄弟並居憲府世榮其友尋丁母憂改葬其父於偃師會葬者千人及居相位稍務華靡頗爲

名輩所讓。○副音刮說音稅。

康承訓使朱邪赤心將沙陀三千騎為前鋒陷

陳卻敵十鎮之兵伏其驍勇

十鎮謂義成魏博鄆延義武鳳翔橫海泰甯宣武忠武天平也

承訓

嘗引麾下千人渡渼水

宿州臨渼縣以臨渼水得名南北對境賊國渼水出亳州南流入淮正直五河口

伏兵圍之赤心帥五百騎奮柁衝圍拔出承訓賊勢披靡因合擊

敗之承訓數與賊戰賊軍屢敗王宏立自矜淮口之捷請獨將所

部三萬人破承訓龐勛許之己亥宏立引兵渡濰水夜襲鹿塘寨

黎明圍之宏立與諸將臨望自謂功在漏刻沙陀左右突圍出入

如飛賊紛擾移避沙陀縱騎蹂之寨中諸軍爭出奮擊賊大敗官

軍蹙之於濰水溺死者不可勝紀自鹿塘至襄城

此襄城非汝州之襄城蓋徐宿

開別自有

伏尸五十里斬首二萬餘級宏立單騎走免所驅掠平

民皆散走山谷不復還營委棄資糧器械山積時有敕諸軍破賊

得農民皆釋之自是賊每與官軍遇其驅掠之民先自潰龐勛許

佶以宏立驕恣致敗欲斬之周重爲之說勛曰宏立再勝未賞

再勝

謂取濠州一敗而誅之棄功錄過爲敵報讎諸將咸懼矣不若赦

之責其後效勛乃釋之宏立收散卒纔數百人請取泗州以補過

勛益其兵而遣之三月辛未以起居郎韋保衡爲左諫議大夫

充翰林學士徙郢王侃爲威王

侃皇子也

康承訓既破王宏立進

逼柳子與姚周一月之間數十戰丁亥周引兵渡水

謂渡渙水也

官軍

急擊之周退走官軍逐之遂圍柳子會大風四面縱火賊棄寨走

沙陀以精騎邀之屠殺殆盡自柳子至芳城

芳城新書作芳亭

死者相枕

斬其將劉豐周將麾下數十人奔宿州宿州守將梁丕素與之有

隙開城聽入執而斬之龐勛聞之大懼與許佶議自將出戰周重

泣言於勛曰柳子地要兵精姚周勇敢有謀今一旦覆沒危如累卵不若遂建大號悉兵四出決力死戰又勸殺崔彥曾以絕人望術士曹君長亦言徐州山川不容兩帥今觀察使尙在故畱後未與賊黨皆以爲然夏四月壬辰勛殺彥曾及監軍張道謙宣慰使仇大夫僚佐焦璐溫庭皓并其親屬賓客僕妾皆死斷淮南監軍郭厚本都押衙李湘手足以示康承訓軍勛集眾揚言曰勛始望國恩庶全臣節今日之事前志已乖自此勛與諸君眞反者也當掃境內之兵戮力同心轉敗爲功耳眾皆稱善於是命城中男子悉集毬場仍分遣諸將比屋大索敢匿一男子者族其家選丁壯得三萬人更造旗幟給以精兵許佶等共推勛爲天冊將軍大會明王勛辭王爵先是辛諱復自泗州引驍勇四百人迎糧於揚潤

賊夾岸攻之轉戰百里乃得出至廣陵止於公館不敢歸家舟載

鹽米二萬石錢萬三千緡乙未還至斗山斗山在今盱眙縣亦曰陡山臨淮蘇斗山之東

則古盱眙賊將王宏芝帥眾萬餘拒之於盱眙密布戰艦百五十艘以

塞淮流又縱火船逆之譙命以長又托過自卯戰及未眾寡不敵

官軍不利賊縛木於戰艦旁出四五尺為戰棚譙命勇士乘小舟

入其下矢刃所不能及以槍揭火牛焚之火牛縛草為之蒸以燒敵今沿邊州郡防賊庫

積草謂之戰艦既然賊皆潰走官軍乃得過入城考異曰續資通鑑

辛譙陳顯曉勇領空船十二隻般糧二十日卻到楚州四月六日

離楚八日至斗山下是日二更後入泗州宋正月二十七日譙迎

米船九隻入泗州二月六日未應食盡復出又二十日卻到楚州

不應住四十五日然後離彼又上有二月十日段薰御史不應下

云二月七日譙出般龐勛以父舉直為大司馬與許佶等畱守

徐州或曰將軍方耀兵威不可以父子之親失上下之節乃令舉

直趨拜於庭助據案而受之時魏博腰圍豐縣龐勛欲先擊之丙

申引兵發徐州 戊戌以前淮南節度使同平章事令狐綯爲太

保分司

以綯在淮南喪師命馬舉代之

龐勛夜至豐縣潛入城魏博軍皆不之

知魏博分爲五寨其近城者屯數千人助縱兵圍之諸寨救之勛

伏兵要路殺官軍二千人餘皆返走賊攻寨不克至夜解圍去官

軍畏其眾且聞勛自來諸寨皆宵潰曹翔方圍滕縣聞魏博敗引

兵退保兗州

曹翔兗州本治兗州故退保之

賊悉毀其城柵運其資糧傳檄徐

州盛自誇大謂官軍爲國賊云 馬舉將精兵三萬救泗州乙巳

分軍三道渡淮至中流大譟聲聞數里賊大驚不測眾寡斂兵屯

城西寨舉就圍之縱火焚柵賊眾大敗斬首數千級王宏立死吳

迴退保徐城泗州之圍始解泗州板圍凡七月

泗州自去年九月未受圍守城

者不得寐面目皆生瘡 龐勛留豐縣數日欲引兵西擊康承訓

或曰天時向暑糧麥方急不若且休兵聚食然後圖之或曰將軍

出師數日摧七萬之眾

謂破魏博之兵也

西軍震恐

西軍謂康承訓之軍也時屯柳子其地在

豐縣乘此鋒勢彼破走必矣時不可失龐舉直以書勸勛乘勝進

軍勛意遂決丁未發豐縣庚戌至蕭約襄城留武小睢諸寨兵合

五六萬人以二十九日遲明攻柳子淮南敗卒在賊中者

李愬數公弁之

也逃詣康承訓告以其期承訓得先爲之備秣馬整眾設伏以待

之丙辰襄城等兵先至柳子遇伏敗走龐勛既自失期遽引兵白

三十里外赴之比至諸寨已敗勛所將皆市井白徒覩官軍勢盛

皆不戰而潰承訓命諸將急追之以騎兵邀其前步卒蹙其後賊

狼狽不知所之自相蹈藉僵尸數十里死者數萬人勛解甲服布

襦而遁收散卒纔及三千人歸彭城考異曰實錄助敗於柳子在五月卷約奏到書之其他皆

如此雖有日月不可使其將張實分諸寨兵屯第城驛第城驛在宿州西

助初起下邳土豪鄭鎰聚眾三千自備資糧器械以應之助以為

將謂之義軍五月沂州遣軍圍下邳下邳縣屬徐州九域志在州東一百八十里助命

鎰救之鎰帥所部來降六月陝民作亂逐觀察使崔懿懿以氣

韻自矜不親政事民訴旱懿指庭樹曰此尚有葉何旱之有杖之

民怒故逐之懿逃於民舍渴求飲民以溺飲之坐貶昭州司馬

以中書侍郎同平章事徐商同平章事充荆南節度使癸卯以翰林

學士承旨戶部侍郎劉瞻同平章事考異曰玉泉子聞見錄曰徐公商判離以瞻為從事

商拜相命官會不及瞻瞻出于屬族以楊元實樞密權重可倚以

每元實歸第瞻輒候之由是日加親熟遂許以內廷之拜既而日

矣瞻即復為徐公曰相公過聽以某屏在門館幸遇相公登庸四

海之人孰不受相公之惠某故相公從事窮飢日加且環歲矣相公曾不以下位處之某雖不佞亦相公之恩不終也今已別有計矣請從此辭即下拜焉商初聞曠書徒唯唯而已迨聞別有計不覺愕然方欲遜謝曠已疾趨出矣明門丙子出以贈爲翰林學士案曠素有清節必不至如玉泉子所云恐出于愛憎之說則見錄又云元翼爲鳳翔監軍曠即出爲太原亞尹鄭從讓爲節度使殊不禮焉泊復入翰林而在相也常謂人曰吾在北門爲鄭尚書冷將息不復病熱矣從曠南梅之命曠所致也案舊傳曠自戶部侍郎承旨出爲太原尹河東節度使曠爲學士若非罪請恐不爲少尹又舊紀咸通十二年十二月曠從讓自宣武節度使爲廣州在曠驪州後故知玉泉子所

曠桂州人也

馬舉自泗州引兵攻

濠州拔招義鍾離定遠

招義漢縣陵縣地宋置濠州隋改爲定遠唐武德七年改爲招義鍾離漢古縣

定遠漢曲陽縣地梁改爲定遠唐告開濠州九域志招義在州東一百二十四里定遠在州南八十里

劉行及設寨

於城外以拒守舉先遣輕騎挑戰賊見其眾少爭出寨西擊之舉

引大軍數萬自它道擊其東南遂焚其寨賊入固守舉漸其三面

而圍之北面臨淮賊猶得與徐州通龍助遣吳迴助行及守濠州

屯兵北津以相應

北津淮水之北岸也

舉遣別將渡淮擊之斬獲數千平其

寨

曹翔之退屯兗州也畱滄州卒四千人戍魯橋

滄州字橫海之兵也九域

志濟州任城縣有魯橋鎮

卒擅還翔曰以龐勛作亂故討之今滄卒不從約束

是白亂也勒兵迎之圍於兗州城外擇違命者二千人悉誅之朝

廷聞魏博軍敗以將軍宋威為徐州西北面招討使將兵三萬屯

於豐蕭之間翔復引兵會之秋七月康承訓克臨渙殺獲萬人遂

拔襄城畱武小睢等寨曹翔拔滕縣進擊豐沛賊諸寨戍兵多相

帥逃匿係據山林賊抄掠者過之輒為所殺而五八村尤甚有陳

全裕者為之帥凡叛勛者皆歸之眾至數千人戰守之具皆備環

地數十里賊莫敢近康承訓遣人招之遂舉眾來降賊黨益離斷

縣土豪李袞殺賊守將舉城降於承訓

霸漢古縣唐屬齊州九賊志在州南三十六里

沛縣守將李直詣彭城計事裨將朱玫舉城降於曹翔玫音梅直自

彭城還攻逆擊走之翔發兵戍沛玫邠州人也勛遣其將孫章許

佶各將數千人攻陳全裕朱玫皆不克而還康承訓乘勝長驅拔

第城進抵宿州之西築城而守之龐勛憂懣不知所爲但禱神飯

僧而已初龐勛怒梁丕專殺姚州黜之使徐州舊將張元稔代

之治宿州事以其黨張儒張寶等將城中兵數萬拒官軍儒等列

寨數重於城外環水自固康承訓圍之張寶夜遣人潛出以書白

勛曰今國兵盡在城下國兵謂官軍也西方必虛將軍宜引兵出其不意

掠宋亳之郊彼必解圍而西將軍設伏要害迎擊其前寶等出城

中兵蹙其後破之必矣時曹翔使朱玫擊豐破之乘勝攻徐城下

邳皆拔之斬獲萬計勛方憂懼欲走得寶書卽從其策使龐舉直

許佶守徐州引兵而西八月壬子康承訓焚外寨張儒等入保羅

城外寨宿州城外之寨

官軍攻之死者數千人不能克

考異曰舊紀實錄皆

云八月康承訓攻柳子寨垂克而賊將王宏立救至王師大敗承訓退保宋州龐勛乘勝自帥徐州勁卒并攻泗州雷其鄰將許佶守徐州詔馬舉援泗州案宏立拔柳子爲承訓所敗兼于承訓患時宏立已死於泗州勛亦未嘗親攻泗州書紀實錄誤也

承訓患之遣辯士於城下招諭之張元稔嘗戍邊有功雖脅從於賊心實

憂憤時將所部兵守子城夜召所親數十人謀歸國因稍令布諭

協同者眾乃遣腹心張皋夜出以狀白承訓約期殺賊將舉城降

至日請立青旌爲應使眾心無疑承訓大喜從之九月丁巳張儒

等飲酒於柳溪亭元稔使部將董原等勒兵於亭西元稔先躍馬

而前大呼曰龐勛已梟首於僕射寨中

僕射謂承訓也

此輩何得尙存士

卒競進遂斬張儒等數十人城中大擾元稔諭以歸國之計及暮

而定戊午開門出降元稔見康承訓肉袒膝行涕泣謝罪承訓慰勞卽宣敕拜御史中丞賜遺甚厚元稔復進言今舉城歸國四遠未知請詐爲城陷引眾趨符離及徐州賊黨不疑可盡擒也承訓許之宿州舊兵三萬承訓益以數百騎皆賞勞而遣之元稔復入城暮發平安火如常日己未向晨元稔積薪數千束縱火焚之如城陷軍潰之狀直趨符離符離納之旣入斬其守將號令城中皆聽命收其兵復得萬人北趨徐州龐舉直許佶聞之嬰城拒守辛酉元稔至彭城引兵圍之案兵未攻先諭城上人曰朝廷唯誅逆黨不傷良人汝曹奈何爲賊城守若尙狐疑須臾之間同爲魚肉矣於是守城者稍稍棄甲投兵而下崔彥曾故吏路審中開門納官軍龐舉直許佶帥其黨係于城曰旣賊黨自北門山元稔遣兵

追之斬舉直佖首餘黨多赴水死悉捕成桂州者親族斬之死者

數千人徐州遂平龐勛將兵二萬自石山西出所過焚掠無遺庚

申承訓始知引步騎八萬西擊之使朱邪赤心將數千騎爲前鋒

勛襲宋州陷其南城刺史鄭處冲守其北城賊知有備捨去渡汴

南掠亳州九城志宋州南至亳州一百二十里沙陀追及之勛引兵循渙水而東將

歸彭城爲沙陀所逼不暇飲食至斷新秦漢古縣宋道謙郡齊爲北魏郡時爲縣屬宿州九城

志在州南將濟水李袞發橋勒兵拒之賊惶惑不知所之至縣西

三十六里官軍大集縱擊殺賊近萬人餘皆溺死降者纔及千人勛亦死而

人莫之識數日乃獲其尸考異曰彭門紀亂曰初龐勛之求節也必希歲內得之于是閭里小兒競歌之

曰得節不得節不過十二月卽應勛九年十月十七日作亂十年

九月十九日就戮通其蜀月計之正一歲而滅案六月承訓知勛

掠毫宋卽追之至新縣得之恐未至十九日疑是賊宿遷等諸寨

皆殺其守將而降

宿遷晉南預縣也唐遷代宗諱改曰宿遷屬徐州在下邳東南一百八十里

宋威亦

取蕭縣吳迴獨守濠州不下冬十月以張元稹為右驍衛大將軍

御史大夫馬舉攻濠州自夏及冬不克城中糧盡殺人而食之官

軍深漸重圍以守之辛丑夜吳迴突圍走舉勒兵追之殺獲殆盡

迴死於招義

招義縣屬濠州

以康承訓為河東節度使同平章事以杜慆

為義成節度使上嘉朱邪赤心之功置大同軍於雲州以赤心為

節度使

會昌中已置大同軍團練使於雲州尋為防禦今陞為節鎮

召見畱為左金吾上將軍

賜姓名李國昌賞資甚厚以辛讞為亳州刺史讞在泗州犯圍出

迎兵糧往返凡十二數過其家門未嘗與妻子相見及除亳州上

表言臣之功非杜慆不能成也

賜和州刺史崔雍自盡

考異曰舊紀入

月和州防禦行官石侔等訟雍罪具月賜自盡實錄訟在八月賜自盡在十月今從之

家屬流康州兄弟五

人皆遠貶 寬徐宿濂泗四州三歲稅役 上荒宴不親庶政委

任路巖巖奢靡頗通賂遺左右用事至德令陳蟠叟因上書召對

肅宗至德元載分鄱陽秋浦置至德縣屬饒州

言請破邊咸一家可贍軍二年上問咸爲

誰對曰路巖親吏上怒流蟠叟於愛州自是無敢言者 初南詔

遣使者楊酋慶來謝釋董成之囚定邊管度使李師望欲激怒南

詔以求功遂殺酋慶西川大將恨師望分裂巡屬

謂分西川巡屬邛崃等州別立

定邊軍也陰遣人致意南詔使入寇師望貪殘聚私貨以百萬計戍卒

怨怒欲生食之師望以計免朝廷徵還以太府少卿竇滂代之滂

貪殘又甚於師望故蠻寇未至而定邊固已困矣是月南詔驃信

酋龍傾國入寇引數萬眾擊董春烏部破之

董春烏部西川附蠻也

十一月

蠻進寇嶺州定邊都頭安再榮守清溪關蠻攻之再榮退屯大渡

河北與之隔水相射九日八夜蠻密分軍開道逾雪坡奄至沐源

川雪坡雪嶺之坡也沐源川在嘉州羅目縣界麟德二年開生獠

置羅目縣及沐州後廢沐州以羅目屬嘉州宋朝又廢羅目為

鎮屬峨眉縣又今嘉州蠻為縣有沐川鎮

滂遣覓海將黃卓帥五百人拒之舉軍覆沒

十二月丁酉蠻衣覓海之衣詐為敗卒至江岸呼船

眾乃覺之遂陷犍為縱兵焚掠陵榮二州之境

犍為漢郡名後周初改名犍為因山為名也唐屬焉後敗日蠻軍大集於陵雲寺與

嘉州對岸

嘉州漢犍為郡南安縣地梁武帝開通外嶺立青州取

青衣山名西魏改青州為眉州取峨眉山以為名後

周復曰青州又改曰嘉州取漢嘉郡以為名隋又改曰眉州唐復

曰嘉州別置眉州於茂武陽縣地陵雲寺在嘉州南山開元中僧

海通於讀江沫水潦水三日之會悍流怒浪之演壑

山為蕭勒大像高臉三百六十尺建七層閣以覆之刺史楊恣

志音與定邊監軍張允瓊勒兵拒之蠻潛遣奇兵自東津濟夾擊官

軍殺忠武都將顏慶師餘眾皆潰恣允瓊脫身走壬子陷嘉州慶

師慶復之弟也寶滂自將兵拒蠻於大渡河驃信詐遣清平官數

人詣滂結和滂與語未畢蠻乘船械爭渡忠武徐宿兩軍結陳抗

之徐宿舊武宿軍以其滂懼自經於帳中徐州將苗全緒解之曰

都統何至於是全緒與安再榮及忠武將勒兵出戰滂遂單騎宵

遁三將謀曰今眾寡不敵明旦復戰吾屬盡矣不若乘夜攻之使

之驚亂然後解去於是夜入蠻軍弓弩亂發蠻大驚三將乃全軍

引去蠻進陷黎雅民竄匿山谷敗軍所在焚掠滂奔導江導江本

置郫安縣後周改爲汶山唐改曰導邛州軍資儲侍皆散於亂兵

之手蠻至城已空通行無礙矣考吳日張雲咸通解圍錄曰十年

十月南蠻擊董資烏部格傾其巢窟春烏以其眾保北棚俄而發屯至沐派川途遇嘉州南自清

溪關寇黎雅張彭錦里者舊時曰十一年庚寅節度使盧僕射耽

冬雲南蠻數萬寇邊突破清溪關犯大渡河遂進陷洗黎突邛味

直雅邛案解圍錄新舊紀皆在十年冬而彭蜀以爲十一年冬誤

也新傳曰十年乃入寇以兵綴清溪關密引眾伐木開道徑雪坡
盛夏卒凍死者二千人出沐源關嘉州衆蠻以十一月至沐源川
非盛夏新傳誤也實錄又曰驛信以十月三日離善關每人止將
米炒一斗隨身乃詔高駢乘其國內無兵備進攻善關以解衝突
策駢時爲鄆州節度使詔左神武將軍顏慶復將兵赴援
不在安南恐實錄誤也